



歷代名賢列女氏姓譜卷之一百五十六

湘鄉

蕭智漢雲澤氏纂輯

男秉信明甫氏校

入聲

一屋

穀梁氏

見風俗通子夏弟子穀梁赤魯人縻信以為秦孝公同時人阮孝緒曰名倣字元始顏師古曰名喜受經於子

夏

谷那氏

見姓譜

歷代名賢

唐

谷那律魏州昌樂人貞觀中累遷國子博士淹識羣書稽

氏姓譜

卷百五十六

一屋

穀梁氏至谷那氏

遂良嘗稱為九經庫遷諫議大夫兼宏文館學士從太宗出獵遇雨沾漬因問曰雨衣若為而無漏邪律曰以瓦為之當不漏帝悅其直賜帛二百段卒孫倚相仕為秘書省正字讐覆圖書多所刊定子崇義天寶末為幽州大將以婦取聞歷左金吾衛大將軍遂客劔門生子從政畧涉儒學有風操事李寶臣歷定州刺史封清江郡王寶臣及張孝忠妻其女兄弟也寶臣初倚任晚稍疏忌從政乃闔門謝交游不事及惟岳知節度與田悅謀拒天子命從政諫曰上神斷紕諸侯欲致太平爾考與燕有切骨恨天子致討命帥莫先於燕誅怨復仇必盡力後已前日而考誅大將百餘子弟存者常不平乘危相覆誰不能爾昔魏有洛相之圍王師四集身投零陵仰天垂泣不知所出賴陶老保佑頓兵不進而先帝寬厚僅獲赦貸不然田氏尚有種

乎今悅兇猶孰與承嗣爾又幼富貴不出戶庭便欲旅拒
且人心難知天譴難欺軍中諸將乘危投隙自古豈少哉
今圖久安計莫若卒而兇惟誠攝留後爾速入宿衛則福
祿可保矣不納從政塞門移疾不出惟岳所信王他奴等
疑其怨望曰伺之從政懼乃吐血卽仰藥五日死曰吾不
恨死而痛渠覆宗矣後惟岳被殺於王武俊如其揣云

僕散氏

見姓譜

歷代名賢

金

僕散端本名七斤中都路火魯虎必刺猛安人以事親孝
選充護衛宿直將軍除太子僕正滕王府長史歷邳州刺
史尙廐局副使右衛將軍章宗卽位轉左衛駕朝隆慶宮

氏姓譜

卷五十六

一

僕散氏

二

護衛花狗邀駕言端之叔父胡覩預弑海陵不宜在侍衛
詔反杖之外艱起復東北路招討副使歷左副點檢河南
陝西統軍使承安四年上獵蘄州端射鹿誤入圍被杖解
職泰和三年起爲御史大夫四年拜尚書左丞五年正月
宋將叛盟入確山界奪民馬三月焚平氏鎮剽民財物掠
鄧州白亭巡檢家貲持其印去大臣皆曰徇盜鼠竊端度
小寇當晝伏夜出豈敢公肆陳列彼欲多方誤我若不早
爲之所一旦大舉入寇將墮其計中大理卿畏也亦曰宋
兵攻圍城邑動輒數千不爲小寇叅政思忠又言宋人敗
盟有狀所言皆合上深以爲然未幾內艱起復元職伐宋
詔主南京行省留務奏宋使皇甫拱奉書乞和朝議諸道
兵進疑其以計緩師詔遣拱還七年還朝時章宗在位久
皇子未立有武衛軍上妻阿魯不生二女而寡常託夢

言以惑衆頗有驗愚民信以爲神自言夢見白頭老父指其二女皆有福人若侍掖庭必得皇嗣端請納之內庭旣而京師久不雨阿魯不復言夢見老父使已祈雨三日必大樹足其言不驗章宗疑其誕安下有司鞫問阿魯不引伏詔責讓卿昔所奏後人謂朕輒信妖妄實由卿啓端上表待罪詔釋不問頃之進拜平章政事封申國公章宗遣詔內入有娠者兩位命端與左丞孫卽康護視崩後有人告元妃李氏教承御賈氏詐稱有身衛紹王誅之進端右丞相授世襲謀克貞祐二年五月判南京留守與河南統軍使長壽按察轉運使王質表請南遷凡三奏百官士庶皆言不可叅政耿端義贊之宣宗意乃決旣至南京以端知開封府頃之爲御史大夫又拜左丞相三年兼樞密副使至樞密使數月兼陝西行省都元帥給親軍三十騎兵

氏姓譜

卷五十六

僕散氏

三

三百爲衛次子宿直將軍納丹出侍行仍賜契紙勘同緩急有事以此名卿端招遙領通安軍節度使完顏猗兒卽日來歸奏遷知平涼府諸將聞之莫不感激復遣納蘭伴僧招諭臨洮放黎五族都管青覺兒積石州章羅謁蘭冬及鐸精族都管阿令結蘭州葩俄族都管汪三卽等皆相繼內附三卽賜姓完顏後爲西方名將舊時同華屯軍及河南步騎九千皆隸陝西宣撫副使永錫朝廷從其奏使隸行省四年元兵入潼關永錫坐誅罪不及端與定初輯議以鳳翔密邇宋界欲轉臨洮府承裔於鳳翔端奏鳳翔屯兵已多但可令總管攝行帥事其隴外十州介宋夏之間與諸番雜處若移隴外萬兵入居鳳翔臣恐一旦有警應援不及乞詔承裔依前舊制行元帥府于鞏州與京兆相爲首尾足備緩急時用其言有疾遣近侍與太醫診視

六月乙丑薨宣宗震悼輟朝贈延安郡王諡忠正正大三年配享宣宗廟庭于納丹出爲定國軍節度使

僕散忠義本名烏者上京拔廬古河人太祖后姪元妃之屬乃祖韓魯補曾祖班觀祖胡蘭父背魯皆世襲謀克婆速路統軍使忠義魁偉長髯喜談兵有大畧年十六領本謀克兵從宗輔定陝西射中宋大將償其兵由是有名帥府承制署爲謀克宗弼再取河南薦爲猛安攻冀州先登力戰大名府破其軍十餘萬賞以奴婢馬牛金銀重綵及從渡淮攻壽廬等州每稱此子勇畧過人將帥之器復賞馬牛羊領親軍萬戶起授寧遠大將軍皇統四年除博州防禦使在郡不事田獵燕游以職業爲務郡中翕然稱治公餘學女直字及古算法閱月盡能通之忽一夕陰晦因徒謀反獄倉猝事聞將校皆惶駭失措忠義從容但使守

氏姓譜

卷百五十六

一臣

僕散氏

四

更吏搗鼓鳴角囚徒驚爲天曉不敢出咸自就桎梏及考郡民詣闕願留詔從之八年改同知眞定尹兼河北西路兵馬都總管遷西北路招討使入爲兵部尙書因會飲辱僕散忽土出爲鎮武軍節度使火山賊李鐵槍乘暑來攻單衣迎鬪射殺數人遷去海陵因其宿將改爲臨洮尹兼熙秦路兵馬都總管其地接吐蕃木波先時剽害良民州縣不能制名至京賜條服玉具佩刀閱再考徙平陽并濟南尹漢南路行營副統制伐宋克通化軍世宗立罷兵入朝拜尙書右丞窩幹反兵久無功自請契丹小寇不時殄滅致煩聖慮臣願効死力除之世宗喜嘆卽拜平章政事兼右副元帥封榮國公賜以御府貂裘寶鐵吐鶻弓矢大刀具裝對馬及安山鐵甲金牌詔凡將士有犯連職之外并以軍法從事有功者依格遷賞復諭將士兵久駐邊疆

費財用百姓不得休息今宜同心戮力以底戡定無或弛慢忠義至軍賊陣而西行引兵追之及於花道宗亨宗叙分爲左右翼與賊夾河而陣衆尙入萬救至引去過移馬嶺追及裊嶺西陷泉時昏霧四塞跬步莫覩仰天禱曰狂寇肆暴殺戮無辜天不助惡當爲開霽祝已昏霧廓然及戰大敗之生擒其弟僞六院司大王裊俘生口三十萬獲雜畜十餘萬車帳金珍以鉅萬計遣使奏捷詔獎卿材能素著果能大破賊衆朕甚嘉之今遣勞卿如朕親臨賜卿御衣及骨睹犀具佩刀通犀帶等就以俘獲均散軍士賊平還京拜右丞相特賜玉帶改封沂國公大定二年命居南京總戎事節制諸將陛辭諭以宋若歸侵疆貢禮如故則可罷兵既至簡閱士卒分屯要害戒諸將嚴守備使副帥志寧移牒宋帥張浚如上所諭各守自來畫定疆界凡

氏姓譜

卷百五十六

一

座 僕散氏

五

事一依皇統以來舊約帥府亦當解嚴如必欲抗衡請會兵相見時已復泗壽鄧州請隳其城遷民于宿亳蔡州上曰三州本吾土得之則已使將士擇善水草休息且牧馬俟來歲取淮南三年入奏事以兼都元帥還軍與宋相持日久慮暑雨弓力易減豫選勁弓萬張貯汴別庫復赴闕議事次濬州聞宋將李世輔掩取宿州亟使人還汴發所貯弓給志寧軍與戰大捷竟復宿州還日以書責宋同樞洪遵遣計議官盧仲賢等持與志寧軍及手狀歸所侵海泗唐鄧地約爲叔姪國馳奏請定書式世宗意天下厭苦兵革思與百姓休息詔忠義度宜以行宋人若歸侵疆歲幣如昔可免奉表稱臣許世爲姪國忠義貽書前後凡七未人皆託故未從移軍壓泰和境宋使胡昉以右僕射湯恩退書來許稱姪國不肯加世字忠義執昉留軍中答其

書遣使以聞詔諭忠義前使監軍宗叙入奏將近暑月請俟秋涼進發敗復舊疆今已八月復俟何時所乞增金銀牌太師梁王兼數職未嘗增今自鄴元帥左右副元帥監軍都監三路都統府各增之併定南界官員百姓歸附遷賔宋知密院周葵同知王之望復書一一如約和議始定宋遣試禮部尙書魏杞崇信軍承宣使康濟充通問國信使取到宋主國書式并副本約歲幣爲二十萬兩匹五年正月杞潛入覲和議已定詔天下罷兵時官軍一十七萬三千有餘奏留一十一萬六千二百屯戍上嫌其多可選馬一萬二千軍一萬五千併舊軍通留六萬富強丁多者摘留貧難者放還其一路全罷者先發遣之賜忠義玉束帶詔先還京入朝親加諭勞轉左丞相上以大定初事多權制詔有司剛定語之曰凡已奏之事朕嘗再閱卿等毋

氏姓譜

卷百二十六

一

僕散氏

六

輒懷懼朕于大臣務相信任但軍國事不敢輕易恐或有誤也對曰陛下留神萬幾天下之福臣等豈敢竊意但智力不及耳六年正月有疾遣太醫診視賜以御藥中使撫問相繼於道二年丁亥薨上臨哭之勸輟朝奠祭賻銀絹重祿命參政唐括安禮護喪事務從優厚太宗正丞竟中都運副王震充勅祭葬使百官送葬具一品儀物建大將旗鼓送至境域諡曰武莊忠義動由禮義謙以接下敬禮儒士與人極和易侃侃如也善御將士能得其死力爲宰輔知無不言以功名始終

僕散揆本名臨喜忠義之子少以世胄選爲近侍奉御大定十五年尙韓國大長公主擢器物局副使特授臨潢府路赫沙阿世襲猛安歷近侍局副使尙衣局使拱衛直副都指揮使殿前左衛將軍坐與外人竊議罷歸田里尋起

爲灤州刺史改益州入更兵部侍郎大理卿刑部尙書世宗勉以忠孝貞勵章宗卽位出爲泰定軍節度使轉知臨洮府以政績聞升河南路統軍使陝西提刑司舉揆剛直明斷獄無冤讞禁戢家人言姓莫識其面積石洮二州舊寇皆遯商旅得通進官褒諭明昌四年坐嘗稱鄭王永路免死除名未幾復起爲崇義軍節度同知屢以戰功遷西比路副招討進官七階賜金馬孟銀綵升西南路招討兼天德軍節度使賜金及重綵嚮出禦邊轉戰七百里至赤胡覲地而還優詔褒諭入謝歸鎮長主薨來赴諭以比邊之事非卿不能辦賜之戰馬二卽日遣還詔獎諭有功將士揆沿徽築壘穿壘連亘九百里營柵相望烽侯不絕人恣田牧北邊遂寧等詔褒諭名拜參知政事改世襲中都路胡土愛割營益家進尙書右丞復出經畧邊事還拜平

氏姓譜

卷百五十六

一屯

僕散氏

七

章政事封濟國公泰和五年宋人渝盟奉使宣撫河南軍民諭以朕卽位來任宰相未有如卿之久若非君臣道合一體同心何以及此朕非好大喜功務要寧靜內外若幅不知改可整兵渡淮掃蕩江左以繼爾先公之功仍賜尙旣名馬玉束帶內府重綵及御藥探至汴蒐練將士軍聲大振會遣其子入賀天壽節命持白玉杯以飲揆及賜土秋獵所獲鹿尾舌宋人服罪罷撫名還六年復伐宋命爲右副元帥至軍集諸將校告以朝廷弔伐之意分遣將士屢敗敵人復取臨淮斬縣宋解符離壽春之圍而去遣近侍局烏古論慶壽手詔勞問賜玉具刀劍玉荷蓮蓋并金器重綵玉鞍勒馬御藥以旌其功宋人旣退上欲進討復名揆赴闕戒以師期宴於慶和殿寵錫甚厚親諭之曰朕以趙擴背盟侵我疆場命卿措畫會未期月諸處累報大

捷振我國威挫彼賊鋒皆卿之力朕不能忘密授以成算
機會難失俾卽還軍特收其次子寧壽爲奉御十一月揆
總大軍南伐分兵爲九路進自統行省兵三萬出潁壽至
淮宋人旅拒密遣人測淮水惟八疊灘可涉遣右翼都統
完顏賽不先鋒都統納蘭那烈潛渡駐軍南岸揆麾大軍
直壓其陣敵不虞我猝至皆潰走自相蹂踐死於水者不
可勝計進奪潁口下安豐軍遂攻合肥取滁州盡獲其軍
賈斬賊之數各以萬計遣使獎諭前功近又西帥奏捷棗
陽光化旣爲我有樊城鄧城亦自潰散又聞隨州闔城歸
順山東之衆久圍楚州隴右之師剋期出界越擴聞之料
已破膽失其神守度彼之計乞和爲上如使擴奉表稱臣
歲增貢幣縛送賊魁還所俘掠亦宜廣爲渡江之勢使彼
有必死之憂然後從其所請縱得餘息偷生豈敢復萌他

氏姓譜

卷百五十六

一

僕散氏

八

慮卿於此時經營江北勞來安集除其崖政橫賦以良吏
撫字疲民以精兵分守要害雖未繫擴之頸而朕前所畫
三事已成上功矣旣而宋帥邱密果奉書乞和揆以前旨
際江爲界諭遣之復進軍圍和州偵知敵騎萬五千駐太
合卽遣右翼拖擊斬首八千級進屯於瓦梁河以控眞揚
諸路之衝整列軍騎畢張旗幟沿江上下皆列金兵江表
震怒宋眞州兵數萬保河橋復遣統軍紇石烈子仁往攻
之分軍涉淺潛出敵後敵見之大驚不戰而潰斬首二萬
餘級生擒驍將劉挺常思敬蕭從德莫子容遂下眞州宋
復遣陳壁來告和御以乞辭未誠徒欲緩師宋人不獲請
乃決巨勝成公雷塘渚積水以爲阻盡焚其廬舍餉積過
江遞去揆以方春地濕不可久留且欲休養士馬遂振旅
而還次下蔡遇疾詔遣宣徽使李仁惠及子寧壽引太醫

診視仍遣中使撫問七年二月薨訃聞上哀悼輟朝遣使
迎喪殯於都城之北百官會弔車駕臨奠哭之賻銀絹重
幣官給葬祭物諡曰武肅揆外剛內和與物無忤臨民有
惠政其爲將軍門鎮靜賞罰必行初渡淮卽命徹去浮梁
所至皆因糧於敵無餽運之勞未嘗輕用士卒而與之同
甘苦人亦樂爲之用故南征北伐爲一代名將

僕散安貞揆之子本名阿海以大臣子充奉御至符寶祇
候尙刑國長公主加駙馬都尉襲父猛安歷尙衣直長御
院通進尙藥副使母憂起復轉符寶郎除定海軍節度同
知歷邳淄涿三州刺史拱衛首都指揮使貞祐初改右副
點檢兼侍衛親軍副都指揮使遷元帥左都監二年除山
東路統軍安撫等使至益都被賊楊安兒於城東安兒奔
萊陽降徐汝賢遂陷寧海攻濰州僞元帥郭方三據密州

氏姓譜

卷五十六

一

僕散氏

九

畧沂海李全畧臨朐扼穆陵闕欲取益都安貞以沂州防
禦使僕散留家爲左翼安化軍節度使完顏訛論爲右翼
七月庚辰軍於昌邑東汝賢等以三州之衆十萬來拒自
午抵暮轉戰三十里殺賊數萬獲器械不可勝計壬午賊
棘七率衆四萬陣於辛河復遣留家由上流膠西濟繼以
大兵殺獲甚衆甲申軍至萊州僞寧海州刺史史潑立衆
二十萬陣於城東留家先以輕兵薄賊諸將繼之賊大敗
殺獲且半招以重賞不應設計遣萊州黥卒曹全張德田
貴宋福詐降於汝賢以爲內應全與賊西南隅戍卒姚雲
相結約納官軍丁亥夜全縋城出潛告留家急募勇敢士
三十人從全入城雲納之大軍畢登遂復萊州斬汝賢及
諸賊將以徇安兒脫身走訛論以兵追之耿格與潑立皆
降留家畧定膠西諸縣宣差伯德玩襲殺郭方三復密州

餘賊在諸州者皆潰去安兒所遣梁居實并黃縣甘泉鎮監酒石抹充浮海赴遼東構留哥已具舟皆捕斬之十一月戊辰曲赦山東除安兒格及諸故官家作過驅奴不赦外其劉二祖張汝楫僞太師李思溫及應脅誘從賊并在本路自爲寇盜罪無輕重并與赦免有獲安兒者授以三品官職賞錢十萬貫十二月辛亥格伏誅妻子皆遠徙諸軍方攻大洙堙赦至宣撫副使知東平府烏林答與卽引軍還賊衆乘之復出爲患三年二月安貞遣提控紇石烈牙吾塔會宿州提控夾谷石里哥同攻大洙堙賊千餘逆戰擊以騎兵盡殪之提控沒烈奪其北門以入別軍取賊水寨諸軍繼進殺僞參謀官崔天祐并賊五千餘人思溫餘衆保大小峻角子山前後追擊殺獲萬計遂斬二祖遷安貞徐州行樞密院副使并賞沒烈等有差四年二月安

氏姓譜

卷百五十六

一正 僕散氏

十

兒餘黨復擾山東命以近詔招之五月遣兵往征郝定連戰皆克殺九萬人定僅以身免獲僞金銀牌器械甚衆降者三萬餘皆安慰復業興定元年十月詔安貞防河卒多老幼疲軟不勝執役之人其令速易之二年復因伐宋拜爲唐息壽泗行元帥府左副元帥權參知政事總各道兵三萬畫期而進至安豐宋兵七千拒戰權都事完顏胡魯刺衝擊敗之追至淝水死者二千餘人乃班師三年閏月入見於仁安殿五年復伐宋兵出息州營於七里鎮宋兵據淨居山遣兵擊敗之復保山寺縱火焚之乘勝追至洪門山每獲壯士輒釋不殺因用其策向前有功宋兵方浚濠立柵亟戰奪之黃土關絕險且素有備宋黃統制團兵五千保守堅壁不出安貞遣輕兵分左右潛登別以兵三千直逼關門翼日同會山巔宋人守關者望見駭愕中軍

禮葬之功臣皆感嘆

祿里氏

卽角里也以角音祿故亦作祿神仙傳有角里先生

叔向氏

晋羊舌大夫之後羊舌肸字叔向以字爲氏

叔魚氏

羊舌肸字叔魚以字爲氏

叔敖氏

芊姓薦艾獵爲令尹字叔敖以字爲氏

陸終氏

祝融子陸終之後

目夷氏

子姓宋公子目夷之後

氏姓譜

卷百五十六

祿里氏至

主

祝史氏

衛有祝史揮因氏焉

邈僕氏

漢校尉邈僕多見霍去病傳

牧師氏

漢依周禮置牧師令主養馬因氏焉

沐蘭氏

望出任城

沐簡氏

俱見姓苑

木門氏

宋公子食采木門因氏焉說苑衛大夫有木門子高

續祁氏

姬姓晉隰叔之後與士氏同族祁奚舉子午自代父子相續為政因氏焉

入聲 二 覺 為晉臣

樂正氏

周禮樂正因官氏焉

歷代名賢

同

樂正子春曾于弟子樂正子春之母死五日而不食曰吾悔之自吾母而不得吾情吾惡乎用吾情樂正子春下堂而傷其足數月不出猶有憂色門弟子曰夫子之足瘳矣數月不出猶有憂色何也樂正子春曰善如爾之問也善如爾之問也吾聞諸曾子曾子聞諸夫子曰天之所生地

氏姓譜

卷頁五十六

二二六

續祁氏 樂正氏

三

之所養為人為大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今予忘孝之道予是以有憂色也壹舉足而不敢忘父母壹出言而不敢忘父母壹舉足而不敢忘父母是故道而不徑舟而不游不敢以先父母之遺體行殆壹出言而不敢忘父母是故惡言不出於口忿言不反於身不辱其身不羞其親可謂孝矣

樂正裴賢人而無位者也樂已之道而忘人之勢孟獻子故嘗與之友善

樂正克孟子弟子為魯臣

宋

樂正子長節墨人嘗遇仙於鰲山授巨勝赤散方告以此藥蛇服之化龍人服之長生長服之年逾百八十歲如童

顏登勞山而去人莫知其所終

樂王氏

音嬖臣樂王鮪為大夫事平公卒諡曰桓子

樂利氏

姓纂云齊胡公支子為樂利氏

樂尹氏

楚昭王以鍾建為樂尹

駁馬氏

見姓譜駁馬少伯見客齋隨筆

入聲

四音

漆雕氏

見姓譜

歷代名賢

氏姓譜

卷百十六

四頁

漆雕氏

古

周

漆雕開字子若蔡人一日魯人開習尚書不樂仕孔子曰子之齒可以仕矣時將過子若報其書曰吾斯之未能信孔子悅焉孔子嘗問曰子事臧文仲武仲及孺子容此三大夫孰賢對曰臧氏家有守龜焉名曰蔡文仲三年而為一兆武仲三年而為二兆孺子容三年而為三兆從此鬼之若問三大夫之賢與不賢未敢識也夫子曰君子哉漆雕氏之子其言人之美也隱而顯其言人之過也微而著漆雕徒父魯人孔門弟子後世追封高苑侯漆雕陵字子斂魯人孔門弟子後世追封濮陽侯

室中氏

室中周著書十篇見漢書藝文志室中公王莽時避地漢中室中同以破秦封清簡侯

室孫氏

王室之孫也昔有室孫子著書姓纂云今棧州有室孫

氏

乙弗氏

前燕有高麗王乙弗利後魏書云代人世統部落太武時乙弗疋知隨魏南遷遂為河南人孝文改為乙氏又有乙弗根周有乙弗鳳

歷代名賢

南

乙弗朗字通照其先東部人也世為部落大人與魏徙代後因家上樂焉朗少有俠氣在鄉里以善騎射稱孝莊末北邊擾亂避地居并肆間余朱榮見而重之甚相接待以功封蓮勺子後隸賀拔岳從余朱天光西討為岳左廂都

氏姓譜

卷百五十六

四

室孫氏

五

督孝武帝之禦齊神武授朗閣內大都督及帝西入詔朗為軍司先驅靖路至長安封長安縣公卒於歧州刺史初朗患積冷周文賜三石東生散令朗法服之使人問疾朝夕相繼見重如此臨終惟云恨不見河洛清平重反京縣以此為恨三舉手搥床而便氣盡贈太尉子鳳位宮伯開府僕同三司與周閔帝謀宇文護見殺

乙弗繪河南洛陽人文帝皇后之兄也文帝即位開府儀同三司侍中中書監魏昌縣公又為吏部尚書

隋

乙弗宏禮高唐人當煬帝居藩名見宏禮質曰大王為萬乘主所戒在德而已及即位悉詔諸術家坊處之使宏禮總攝海內寢亂帝曰而昔言朕既驗然終當奈何宏禮遂巡帝知之乃曰不言且死宏禮曰臣觀人臣相與陛下類

者不長然聖人不相故臣不能知由是救有司監視毋得與外語薛大鼎坐事沒為奴及貞觀時有請於宏禮答曰君奴也欲何事請解衣視之宏禮指腰而下曰位方岳

密茅氏

見姓苑

密須氏

世本商時媾姓之國今涇州靈臺有密康公墓或云涇州保定有陰密城是也子孫以國為氏或去密為須氏魏有須賈漢有須無或去須為密氏

入聲

五物

乞伏氏

鮮卑乞伏部帥也因以為氏

歷代名賢

氏姓譜

卷百五十六

五物

乞伏氏

十六

乞伏保高車部人也父居獻文時為散騎常侍領牧曹尚書賜爵寧國侯以忠謹慎密常在左右出內詔令賜官人河南宗氏亡後賜以宮人申氏宋太子左率申坦兄女也歲餘居卒申撫養保性嚴肅捶罵切至而保奉事孝謹秘無恨色襲父侯爵例降為伯稍遷左中郎將每請祿賜在外公私尺丈所用無不自知出為無善鎮將申年踰八十保手製馬輿親自扶接申欣然隨之申亡保解官奉喪還洛復為長兼南中郎將卒

隋

乞伏慧字令和馬邑鮮卑人也祖周魏銀青光祿大夫父纂金紫光祿大夫並為第一領人會長慧少慷慨有大節便弓馬好鷹犬齊交襄時為行臺右丞累遷太僕卿自承

寧縣公封宜人郡王其兄貴和又以軍功爲王一門二王
稱爲貴顯周武平齊授使持節開府儀同大將軍拜飲飛
右旅下大夫轉熊渠中大夫從韋孝寬擊尉遲惇於武陟
以功授大將軍及破尉遲迥進位柱國賜爵西河郡公請
以官爵讓兄朝廷不許論者義之隋文帝受禪拜曹州刺
史曹土舊俗人多姦隱戶口簿帳恒不以實慧下車按察
得戶數萬遷涼州總管先是突厥屢爲寇抄慧嚴警烽燧
遠爲斥侯虜竟不入境後爲荊州總管又領潭桂二州總
管三千一州諸軍事其俗輕剽慧躬行朴素以矯之風化
大洽會見人以簞捕魚者出絹買而放之其仁心如此百
姓美之號其處曰西河公簞煬帝卽位爲天水太守大業
五年征吐谷渾郡濱西境人苦勞役又遇帝巡坐御道不
整獻食疎簿帝大怒命左右斬之見其無髮乃釋之除名

卒於家

屈突氏

本居元朔後徙昌黎孝文改爲屈氏至西魏復本姓

歷代名賢

屈突通其先蓋昌黎徙河人後家長安仕隋爲虎賁郎將
文帝命覆隴西牧簿得隱馬二萬匹帝怒收大僕卿慕容
悉達監牧官史千五百人將悉誅死通曰人命至重死不
復生陛下以至仁育四海豈容以畜產一日而戮千五百
士帝叱之通進頓首曰臣願身就戮以挺衆死帝寤曰朕
不明乃至是今當免悉達等旌爾善言遂皆以減論擢左
武衛將軍莅官勁正有犯法者雖親無所回縱其弟蓋爲
長安令亦以方嚴顯時爲語曰寧食三斗艾不見屈突蓋

卷百五十六

五

屈突氏

七

寧食三斗葱不遂屈突通煬帝卽位遣侍詔名漢王諒先是文帝與策約若璽書名驗親勅字加點又與玉麟符合則就道及是書無驗諒覺變詰通通占對無屈竟得歸長安大業中與宇文述共破楊元感以功遷左驍衛大將軍秦隴盜起授闕內討捕大使安定人劉迦論反衆十餘萬據隴陰通發關中兵擊之次安定初不與戰軍中意其性通陽言旋師而潛人上郅賊未之覺引而南去通七十里舍分兵徇地通俟其無備夜簡精甲襲破之斬迦論并首級萬餘衆京觀於上郡南山虜老弱數萬口後隋政益亂盜賊多土無鬪志諸將多覆通每向必持重雖不大克亦不敗負帝南幸使鎮長安高祖起代王遣通守河東戰久不下高祖留兵圍之遂濟河破其將桑顯和于飲馬泉通大懼乃留鷹揚郎將堯君素守蒲將自武關趨藍田以援

氏姓譜

卷百五十六

五

府突氏

六

長安至潼關阻劉文靜兵不得進相持日餘通令顯和夜襲文靜結朝大戰顯和從兵破二壁唯文靜一壁獨完然數入壁短兵接文靜中流矢軍垂敗顯和以士疲乃傳餐食文靜因得分兵實二壁會游軍數百騎自南山還擊其背三壁兵大呼奮而出顯和遂潰盡得其衆通勢蹙或說之降曰吾蒙國厚恩事二主安可逃難獨有死報爾每自摩其頸曰要當爲國家受人一刀其訓勉士卒必流涕故力雖窮而人尙爲之感奮帝遣其家僮往召通趨斬之俄聞京師平家盡沒乃留顯和保潼關率兵將加洛旣行而顯和來降文靜遣竇琮段志元精騎追及於稠桑通結陣拒之琮縱其子壽往諭使降通大呼曰昔與汝父子今則讐也命左右射之顯和呼其衆曰京師陷諸君皆家闔西何爲復東衆皆捨兵通知不免遂下馬東南向再拜號哭

曰臣力屈兵敗不負陛下遂被禽送長安帝勞曰何相見
晚耶泣曰通不能盡人臣之節故至此爲本朝羞帝曰忠
臣也釋之授兵部尚書蔣國公爲秦王行軍元帥長史從
平薛仁果時賊珍用山積諸將爭得之通獨無所取帝聞
曰清以奉國各定不虛特賚金銀六百兩綵千段判陝東
道行臺左僕射從討王世充時通二子在洛帝曰今以東
畧屬公如二子何通曰臣老矣不足當重任然疇昔陛下
釋俘纒加恩禮以蒙更生是時口與心誓以死許國今日
之行王當先驅二兒死其分終不以私害義帝太息曰烈
士簡節吾今見之及竇建德來援賊秦王分麾下半以屬
通俾與齊王圍洛世充平論功第一拜陝東道大行臺右
僕射鎮東都數歲各爲刑部尚書自以不習文固辭改工
部建成之變復檢校行臺僕射馳鎮洛貞觀初行臺廢爲

氏姓譜

卷百五十六

五物

屈突氏至

九

洛州都督進左光祿大夫卒年七十二贈尚書左僕射諡
曰忠後諡配享太宗廟庭永徽中贈司空二子壽詮壽懿
爵太宗幸洛思通忠節故諡以少子昇果毅都尉賜粟帛
恤其家終瀛州刺史詮子仲翔神龍中復守瀛州初桂州
都督李宏節亦以清慎稱旣沒其家賣珠太宗疑宏節實
貪欲追坐舉者魏徵曰陛下過矣且今號清白死不變者
屈突通張道源通三子來調其一馬道源子不能自存審
其清者不加恤疑其濁者罪所舉亦好善不篤矣帝曰朕
未之思置不問故通之清益顯云

屈侯氏

屈舊國也屈侯鮒魏賢人見風俗通屈侯豫漢郾中令

見史記

不更氏

更音卽秦大夫勺也英賢傳云公子不更之後

不第氏

子姓潛夫論宋有不第氏

弗忌氏

姬姓晉大夫欒弗忌之後

屈南氏

羊姓楚屈全之後裔孫仕魏時重複姓以自南來乃加

南

入聲

關門氏

見前漢書儒林傳

歷代名賢

漢

氏姓譜

卷百五十六

六九

關門氏至二千
字木氏

關門慶忌鄒人武帝時魯申公以詩教授慶忌與周霸徐

偃等同受業皆以詩爲博士慶忌至膠東內史周霸膠西

內史徐偃膠西中尉皆有廉節稱

越椒氏

芊姓楚大夫闔越椒之後

李木氏

見姓譜

歷代名賢

漢

字木魯柳

字子輩其先隆安人金泰和間定女真姓氏屬

望廣平祖德從憲宗南征因家鄧州之順陽父居謙辟隸

江西以家自隨生柳顛江舟中釜鳴者三舟人以爲異稱

長卽勤學父歿家計漸落柳不恤而爲學益力乃自順陽

復往江西從新喻蕭克翁學克翁學行爲州里所重嘗夜
夢大鳥止其居翼覆軒外舉家驚異出視頌之冲天去明
日獅至獅始名思溫字伯和克翁以夢故爲易今名字已
復從京兆蕭澗遊學士姚燧以書抵蕭澗曰燧嘗見人多
矣學問文章無足與子輩比倫者于是澗以女妻之成宗
大德中授襄陽教諭以書謁行省右丞王約約奇之署爲
汴梁路學正會修世祖實錄燧首以獅薦授翰林編修官
仁宗延祐五年拜監察御史時英皇未出閣獅言皇太子
正位東宮旣立詹事院以總家政宜擇年德老成道義崇
重者爲師保賓贊俾盡心輔導以廣緝熙之學尋劾中書
叅議元明善帝初怒不納明日傳旨改明善他官時有旨
凡以吏進者例降二等從七品以上不得用獅言科舉未
立人才多以吏進若概加屈抑恐未足盡天下持平之議

氏姓譜

卷百五十六

六月

李木氏

三

自今凡吏進者宜不得過五品因著爲令除右司都事丞
相鐵木迭兒專刑戮以復私恨獅避去及拜住爲相使人
勞獅獅強起會國子監獄中書俾獅兼領拜住嘗謂獅曰
爾可作宰相否對曰宰相固不敢當然所學宰相事也夫
爲宰相者必福德才量四者皆備乃足當耳拜住大悅曰
微公不聞此言轉右司員外郎預修大元通制書成命獅
爲之序泰定元年遷國子司業尋僉太常禮儀院事盜竊
太廟神主獅請各室增設都監官內外嚴置扇鑰書夜巡
警永爲制又纂修太常集禮書成未上有旨命兼經筵官
文宗之入也欲虛大位以俟明宗獅極言大兄遠在朔漠
宜攝位以俟其至文宗納其言及文宗親祀天地社稷宗
廟獅爲禮儀使詳記行禮節文於笏遇至尊不敢直書必
識以兩圈帝偶取笏視曰此爲皇帝字乎大笑以笏還之

竣事上天歷大慶詩三章命藏之奎章閣會立太禧院改
僉太禧宗禋院兼祇承神御殿事迎駕至龍虎臺帝問子
輩來何緩院使阿榮對曰狎體肥不任馬以是來緩帝嘗
問阿榮曰子輩談論如何曰狎所談皆義理之言也從幸
上都奉勅撰碑文稱旨帝曰候朕回當還汝潤筆資遷集
賢直學士兼國子祭酒狎以古者教必有業退必有舍舊
制弟子員初入學以羊贄所貳之品與羊等狎曰與其饜
口腹孰若爲吾黨燥濕寒暑之虞乎命樽集之得錢二萬
緡作屋四區以居學者諸生積分有六年未及釋褐者狎
至皆使就試官之帝師至自西番命朝臣各乘白馬郊迎
大臣俯伏進觴帝師不爲動狎舉觴立進曰帝師釋迦之
徒天下僧人師也余孔子之徒天下儒人師也請各不爲
禮帝師笑而起舉觴卒飲衆爲之慄然寧宗卽位大臣有
氏姓譜

卷五十六

六月

李木氏

二二

謂赦不可屢下者狎曰上以聖子神孫繼大統當與天下
維新今不頒赦是使收怨於新造之君也皇太后以爲宜
從狎言議乃定順帝元統初出爲江浙叅政逾年遷葬歸
名爲翰林侍講學士不赴卒封南陽郡公諡文靖狎爲學
一本性命道德而記問宏博異言僻語無不淹貫文章簡
奧典雅深合古法有文集六十卷

李木遠字道明狎子也以廕作祕書郎轉襄陽縣尹須次
居南陽賊起遠以忠義自奮傾財募丁壯得千餘人與賊
拒戰仇賊大至遠遇害其妻雷氏爲賊所執欲妻之詆賊
曰我叅政冢婦縣令嫡妻夫死不貳肯從汝狗彘生乎亦
見殺有諂並加褒恤

入聲

七曷

達奚氏

後魏獻帝第五弟之後爲十姓遠祖長寧公革生司空
斤亦單姓奚氏斤元孫武

歷代名賢

南北朝

達奚武字成興代人也祖眷父長並爲鎮將武少儻好
馳射賀拔岳出征闕右引爲別將及岳爲侯莫陳悅所害
武與趙貴收屍歸平涼同翊戴周文帝從平悅封須昌縣
伯大統初自大丞相府中兵叅軍出爲東秦州刺史齊神
武與竇泰高放曹三道來侵周文欲并兵擊泰諸將多異
議惟武及蘇綽與周文意同遂禽之周文進圖宏農遣武
從兩騎覘候武與其候騎遇卽交戰斬六級獲三人而反
齊神武趣沙苑周文復遣武覘之武從三騎皆衣敵人衣
至暮下馬潛聽其軍號歷營若警夜者有不如法者往往

氏姓譜

卷百五十六

七旬

達奚氏

三三

撻之具知敵情以告周文遂從破之進爵高陽郡公四年
周文援洛陽武爲前鋒與李弼破莫多婁貸文又進至河
橋力戰斬其司徒高敖曹再遷雍州刺史復從戰芒山時
大軍不利齊神武乘勝進軍至陝武禦之乃退七年詔武
經畧漢川梁梁州刺史宜豐侯蕭修固守南鄭武圍之修
請服會梁武陵王遣其將楊乾運等救修修更不下武擊
走乾運修乃降自劍門以北悉平明年振旅還京師朝議
欲以武爲柱國武曰我作柱國不應在元子孝前固辭以
大將軍出鎮玉壁周孝閔帝踐阼授柱國大司寇齊豫州
刺史司馬消難舉州來附詔武與楊忠迎消難以歸武成
初轉大宗伯進封鄭國公齊將斛律敦侵汾絳武禦之敦
退武築栢壁城留開府權嚴薛羽生守之保定三年遷太
保其年大軍東伐隨公楊忠引突厥自北道武以三萬騎

自東期會晉陽武至平陽後期不進而忠已還武尙未知
齊將斛律明月遣武書曰鴻鶴已翔於寥廓羅者猶視於
沮澤也武覽書乃班師出爲同州刺史明年從晉公護東
伐時尉遲迥圍洛陽爲敵所敗武與齊王憲於芒山禦之
至夜收軍憲欲待明日更戰武曰洛陽軍散人情駭動不
因夜速還明日欲歸不得憲從之遂全軍而返天和三年
轉大傅武微時奢侈好華飾及居重位不持威儀行常單
馬左右從一兩人而已門外不施戟恒晝掩一扉或謂曰
公位冠羣后何輕率若是武曰吾昔在布衣豈望富貴今
日富貴不可顧忘疇昔且天下未平國恩未報安可過事
威容乎言者慙而退武之在同州時旱武帝敕武祀華岳
岳廟舊在山下常所祈禱武謂僚屬曰吾備位三公不能
變理陰陽不可同於衆人在常祀所必須登峯展誠尋其

氏姓譜

卷百五十六

七

達奚氏

二四

聖奧岳旣高峻人迹罕通武年逾六十唯將數人攀藤而
上於是稽首祈請晚不得還卽於岳上藉草而宿夢一白
衣來執武手曰快辛苦甚相嘉尙武遂驚覺益用祇肅至
旦雲霧四起俄而澍雨遠近霑洽武帝聞之璽書勞武賜
綵百匹薨贈太傅十五州諸軍事同州刺史諡桓子震嗣
達奚震字猛畧少驍勇走及奔馬周文嘗于渭北校獵時
有兔過周文前震與諸將競射之馬倒而墜震足不傾躡
因步走射之一發中兔顧馬纔起遂回身騰上周文喜曰
非此父不生此子乃賜震雜綵二百段後封魏昌縣公明
帝初拜司右中大夫加驃騎大將軍開府儀同三司武成
初進爵廣平郡公除華州刺史震雖出自高腴少習武藝
然頗有政術天和三年拜柱國建德初襲爵鄴國公從平
鄴賜妾二女樂一部拜大宗伯震父嘗爲此職時論榮之

宣政中出爲原州總管隋開皇初薨於家

達奚寔字仲伏代河南洛陽人也寔少修立有幹局從魏孝武西遷封臨汾縣伯從周文帝禽竇泰復宏農破沙苑皆力戰有功累遷相府從事中郎寔性嚴重深見器遇六官建拜蕃部中大夫加驃騎大將軍開府儀同三司進爵平陽縣公保定初卒於刺史時年四十九諡曰恭子豐嗣

信

達奚長儒字富仁代人也祖俟魏定州刺史父慶驃騎大將軍儀同三司長儒少懷節操膽畧過人十五襲爵樂安公爲周文帝引爲親信以質直恭朴授子都督數有戰功天和中除渭南郡守位驃騎大將軍開府儀同三司從武帝平齊遷上開府進爵成安郡公別封一子縣公宣政元年除左將軍勇猛中大夫後與烏丸軌圍陳將吳明徹於

氏姓譜

卷百五十六

七

達奚氏

五

呂梁陳援軍至軌令長儒拒之長儒取車輪數百繫以大石沉之清水連轂相次以待之船艦礙輪不得進長儒縱奇兵大破之獲吳明徹以功進位大將軍尋授行軍總管北巡沙塞卒與虜遇大破之文帝作柘王謙舉兵於蜀沙氏楊永安扇動利興武文沙龍等六州以應謙詔長儒擊破之謙二子自京師逃歸其父長儒並捕斬之文帝受禪進位上大將軍封鄆郡公開皇二年突厥沙鉢畧可汗并弟葉護及藩那可汗寇掠西南詔以長儒爲行軍總管擊之遇於周槃衆寡不敵軍中大懼長儒慷慨神色愈烈爲虜所衝突散而復聚且戰且行轉鬪三日五兵咸盡士卒以拳毆之手皆骨見殺傷萬計虜氣稍奪於是解去長儒身被五瘡通中者二其戰士死者十八九突厥本欲大掠秦隴旣逢長儒兵皆功戰虜意大沮明日於戰處焚屍慟

哭而去文帝下詔褒美授上柱國餘勳迴授一子其戰亡
將士皆贈官三轉子孫襲之雁寧鄜二州刺史母憂去職
長儒性至孝水漿不入口五日毀悴過禮始將滅性天子
嘉嘆起爲夏州總管匈奴憚之不敢窺塞以病免又除襄
州總管轉蘭州文帝遣涼州總管獨孤羅原州總管元褒
靈州總管賀若誼等發卒備胡皆受長儒節度長儒率衆
出祁連山北西至蒲積海無虜而還轉荊州總管帝謂曰
江陵國之南門今以委卿朕無慮也卒官謚曰威
達奚明天業末爲溧陽令存心愛民每疏涇瀆以備旱潦
民皆懷之

榻餘氏

潛夫論曲沃桓叔之後

鷓冠氏

氏姓譜

卷百五十六

八

滑伯氏

三

風俗通賓人以鷓冠爲妣鷓冠子著書或曰楚人隱歷
幽山衣被屢空以鷓爲冠莫測其名因號成號著書言
道家龐諛常師事之後顯於趙鷓冠子懼其薦已也乃
與諛絕見真隱傳

葛伯氏

嬴姓夏時諸侯爲商所滅子孫因以爲氏

入聲

八

滑伯氏

姬姓

入聲

九

鐵力氏

見姓譜明鐵力必失句容人永樂中任鴻臚寺序班

折成氏

見姓譜折成鋤齊人見左傳

揭陽氏

漢功臣安道侯揭陽定為南海揭陽令因氏焉

列宗氏

芊姓楚公族列宗氏

入聲

十藥

落姑氏

魯大夫食采于落姑因氏漢博士落姑仲與

洛下氏

正字通云複姓有落姑無洛下漢洛下閎姓洛名下閎姓苑曰洛本落氏去草為洛舊註洛下複姓誤

鐸遏氏

見姓譜鐸遏章采襄公下大夫又左傳鐸遏寇晉大夫

氏姓譜

卷百五十六

十藥

落姑氏至若干氏 二七

厲公八年悼公即位知鐸遏寇之恭敬而信疆也使為

輿尉

斫胥氏

見姓苑

若干氏

出自代北以國為氏

歷代名賢

前北

若干惠字惠保代武川人也其先與魏俱起以國為姓父

樹利周從魏廣陽王深征葛榮戰沒贈冀州刺史惠以別

將從賀拔岳以功封比平縣男及岳為侯莫陳悅所害惠

與寇洛趙貴等同謀翊戴周文仍從平悅拜直閭將軍從

禽寶泰復宏農破沙苑惠每先登略加侍中開府儀同

三司封長樂郡公大統四年從魏文帝東巡洛陽與齊神武戰於河橋力戰破之七年遷領軍及高仲密舉北豫州來附周文迎之軍至洛陽齊神武屯于芒山惠爲右軍與中軍大破之齊神武兵乃萃右軍軍將趙貴等賊不利會日暮神武進兵攻惠惠擊皆披靡至夜中神武騎復來追惠惠徐下馬顧命厨人嘗食食訖謂左右曰長安死此中死異乎乃建旗鳴角收軍而還神武追騎憚惠疑有伏兵不敢逼至宏農見周文陳賊形勢恨其垂成之功虧於一篑歎欷不自勝周文壯之遷司空惠性剛質有勇力容貌魁岸善於撫御將士莫不懷恩及侯景內附朝議收輯河南令惠以本官鎮魯陽遇病薨於軍惠於諸將年最少早喪父事母以孝聞周文嘗造射堂新成與諸將宴射惠竊嘆曰親老矣何時辦此周文聞之卽日徙堂於惠宅其見

氏姓譜

卷百五十六

十藥 一若千氏至 拓拔氏 二六

重如此及薨爲流涕久之惠喪至又臨撫焉加贈秦州刺史諡曰武烈子鳳嗣

若千鳳字達摩有識度襲父爵長樂郡公尙周文女位開府儀同三司大馭中大夫後錄惠佐命功封鳳徐國公拜柱國

若千則洪州防禦使

拓拔氏

一黃帝子昌裔之孫受封比土黃帝以土德王比人以土爲拓後受爲拔故號拓拔氏孝文時改姓元

拓拔守寂開元後右監門大將軍西平公靜邊州都督乾暉銀州刺史姪澄銀州刺史

拓拔思恭宥州刺史

索盧氏

呂氏春秋禽滑釐門人索盧泰

歷代名賢

選

索盧放字君陽東郡人也以尚書教授千餘人初署郡門下掾更始時使者督行郡國太守有事當就斬刑放前言曰今天下所以苦毒王氏歸心皇漢實以聖政寬仁故也而傳車所過未聞恩澤太守受誅誠不敢言但恐天下惶懼各生疑變夫使功者不如使過願以身代太守之命遂前就斬使者義而赦之由是顯名建武六年徵為洛陽令有能名以病乞身徙諫議大夫數納忠言復以疾去建武末復徵不起光武使人輿之見於南宮雲臺賜穀二千斛

氏姓譜

卷百五十六

十藥

索盧氏至

五

遣歸除子為太子中庶子卒於家

霍里氏

見姓譜

嬰相氏

魯大夫食采嬰相因氏姓苑云沛人

若敖氏

華姓楚臣若敖之後

柘王氏

狀云本姓王樂浪人遠祖慙後魏伏波將軍鎮武川賜姓柘王氏

八聲

十一陌

籍邱氏

見姓譜籍邱子鋤齊大夫

伯成氏

見莊子氏族畧作柏成

歷代名賢

古

伯成子高唐虞時為諸侯至禹去而耕禹往見之則耕在野禹問曰昔堯化天下吾子立為諸侯堯授舜舜授予子去而耕其故何也子高曰昔堯化天下至公無私不賞而人自勸不罰而人自畏今子賞而不勸罰而不威德自此衰而刑自此作夫子盍行無留吾事佗佗然耕不顧

麥邱氏

見姓譜麥邱老齊桓公時人

辟閭氏

姬姓衛文公支孫居楚邱營辟閭里因為辟閭氏漢辟

氏姓譜

卷百五十六

十一

十一
編邱氏至三十

閭曾太子太傅辟閭謀昌邑王太傅辟閭渾孝武時為

平原太守南比朝辟閭璿樂安太守

柏侯氏

柏成子高堯時諸侯也因氏焉漢柏侯奮尚書令柏侯

子安南陽人管寧從授春秋

白侯氏

白楚邑也白舊侯國楚人取而邑之後漢白侯攜尚書

郎吳志白侯子張

百里氏

風俗通秦相百里奚之後出自姬姓其先虞人於秦受

邑于百里因氏焉

歷代名賢

問

百里奚初事虞公晉獻公滅虞虜虞公與其大夫百里奚以爲秦穆公夫人媵于秦奚亡秦走宛楚鄙人執之穆公聞奚賢欲重贖之恐楚人不與乃使人謂楚曰吾媵臣百里奚在焉請以五羖羊皮贖之楚人遂許與之當是時奚年已七十餘公釋其囚與語國事謝曰臣亡國之臣何足問公曰虞君不用子故亡非子罪也固問語三日公大悅授之政號曰五羖大夫奚讓曰臣不及臣友蹇叔蹇叔賢而世莫知臣常游困于齊而乞食饑人蹇叔收臣臣因而欲事齊君無知蹇叔止臣臣得脫齊難遂之周周王子頹好牛臣以養牛干之及頹欲用臣蹇叔止臣去得不諫事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢于是公使人厚幣迎蹇叔以爲上大夫奚爲秦相勤苦自勵勞不坐

氏姓譜

卷百五十六

十一陌

百里氏

三

乘暑不張蓋行于國中未嘗從車騎操于戈及其死也秦國男女流涕童子不歌謠春者不相杵德澤流于後世而奈卒賴焉

百里視字孟明奚之子也穆公三十二年公使百里視西乞術自乙丙帥師東襲鄭明年及滑鄭商人元高以乘車先牛十二犗師且使遽告于鄭視曰鄭有備矣不可冀也攻之不克圍之不繼吾其還也滅滑而還晉敗我師于穀獲視術丙以歸已而文嬴請之晉舍之中悔復使陽處父追之及諸河則在舟中矣釋左騶以公命贈視視稽首曰君之惠不以纍臣釁鼓使歸就戮于秦寡君以爲戮死且不朽若從君惠而免之三年將拜君賜晉人旣歸三帥大夫及左右皆言于公曰是敗也視之罪也必殺之公曰是孤之罪也周芮良夫之詩曰大風有隧貪人敗類聽言則

對誦言如醉匪用其良覆俾我悖是貪故也孤之謂矣孤
實貪以禍夫子夫子何罪復使爲政三十五年視帥師伐
晉報殺之役及晉師戰于彭衙我師敗績晉人謂之拜賜
之師公猶用視視增修國政重施于民明年伐晉濟河焚
舟取王官及郊晉人不出遂自茅津濟封殺尸而還遂霸
西戎

漢

百里嵩字景山封邱人爲徐州刺史值大旱嵩循行境內
郡車所至甘雨隨降惟東海四縣僻在山間傳驛未至二
縣獨不雨父老請至界大雨滂沱號爲刺史雨及卒百姓
立廟祀之

歷代列女

百里氏婦奚之故妻也奚少時家貧流落出遊久不返其

氏姓譜

卷百五十六

十一

百里氏至

三三

婦無以自給乃西入秦賃爲滌婦遂與奚相失及奚爲秦
相堂上樂作所賃滌婦自言知音呼之搏髀援琴而歌者
三其一曰百里奚五羊皮憶別時烹伏雌炊扚扚今日富
貴忘我爲其二曰百里奚初娶我時五羊皮臨當別時烹
乳雞今適富貴忘我爲三曰百里奚百里奚母已死葬南
谿墳以瓦覆以柴春黃梁搯伏雌西入秦五殺皮今日富
貴捐我爲問之乃其故妻遂還爲夫婦

伯比氏

芊姓楚若敖之後伯比雖以鬪氏傳家而復以伯比爲
氏

伯州氏

見姓譜

赫連氏

劉去卑之後去卑獨孤氏祖勃勃僭帝號自云赫赫連
天因以爲氏

歷代名賢

南北

赫連子悅字士欣勃勃之後也魏永安初以軍功爲濟州
別駕及齊神武起義侯景爲刺史景本余朱心腹子悅勸
景起義景從之除林慮守文襄往晉陽路由是郡因問所
不便悅答云臨水武安二縣去郡遙遠山嶺重疊車步艱
難若東屬魏郡則地平路近交襄笑曰卿徒知便民不覺
損幹子悅答云所言因民疾苦不敢以私潤負公心交襄
云卿能如此甚善仍敕依事施行在郡滿更徵爲臨漳令
後除鄭州刺史于時新經河清大水民多逃散子悅親恤
隱戶口益增治爲天下之最入爲都官尙書鄭州民八百

氏姓譜

卷百五十六

十一

赫連氏

三

餘請爲立碑頌德有詔許焉後以本官兼吏部子悅在官
唯以清勤自守但無學術大陷物議由是除太常卿卒

赫連達字朔周盛樂人勃勃之後也曾祖庫多汗因避難
改姓杜氏達性剛鯁有胆力少從賀拔岳征討有功賜爵
長廣鄉男及岳爲侯莫陳悅所害趙貴建議迎周文達贊
成其議請輕騎告周文仍迎之諸將或欲南追賀拔勝或
云東告朝廷達又曰此皆遠水不救近火何足道哉謀遂
定令達馳往周文見達慟哭遂以數百騎南赴平涼令達
率騎據彈箏峽時百姓惶懼奔散者軍爭欲掠之達止之
乃撫以恩信人皆悅附周文聞而嘉之加平東將軍周文
謂諸將曰當清水公遇禍之日君等性命懸於賊手杜朔
周冒萬死之難遠來見及遂得同雪讐耻勞而不酬何以
勸善乃賜馬二百匹孝武入關褒敘勳義以達首迎元帥

匡復秦隴進爵魏昌縣伯從儀同李偉破曹況後復宏農
戰沙苑皆有功詔復姓赫連以達勳望兼隆乃除雲州刺
更進爵爲公從大將軍達奚武攻漢中梁宜豐侯蕭修拒
守積時後乃送款開府賀蘭願德等以其食盡欲急攻取
之達曰不戰而獲城策之上也無容利其子女貪其財帛
仁者不爲如其困獸猶鬪則成敗未可知武遂受修降師
還遷驃騎大將軍開府儀同三司加侍中進爵藍田縣公
保定初爲大將軍夏州總管達雖非文吏然性質直遵奉
法度輕於鞭撻而重慎死罪性又廉儉邊境胡人或饋達
羊達欲招異類報以緡帛主司請用官物達曰羊入我廚
物出官庫是欺上也命取私帛與之識者嘉其仁恕尋進
爵樂川郡公柱國薨子遷嗣位大將軍蒲州刺史

赤張氏

氏姓譜

卷百五十六

十一附

赫連氏至

三四

見姓譜漢有赤張技又赤張蒲見莊子

石作氏

姓氏英賢傳石作蜀字子明成紀人孔子弟子家語作

石子蜀

石抹氏

見姓譜

歷代名賢

金

石抹元毅本各神思咸平府路酌赤烈猛安莎果歌仙謀
克人性沉厚武勇過人每讀書見古人忠義事未嘗不嗟
嘆賞慕喜動顏色初應補吏部令史調景州寧津今有劇
盜白晝恣劫爲害元毅以術防捍賊散去入爲大理知法
除亳州防禦同知省檄錄陝右五路刑獄無冤人復委受

宋歲幣却故事私遺物明昌初名爲大名等路提刑刊官
以最遷汾陽軍節度副使時嵐石間賊黨嘯聚肆行剽掠
朝廷命捕之賊畏而遁追襲盡殪之二境以安遷武勝軍
節度同知訊別郡殺人者屢鞫不伏不數語具服之河東
北路田多山坡磽瘠舊定爲土賦民力久困至是命相地
更賦平以三壤法民賴其利改彰德府治中承安二年北
邊有警授撫州刺史會邊將失守芻糧馬牛焚掠殆盡方
率吏卒出州數里經畫軍餉猝遇敵號令其衆上前力戰
敵去而復合猛氣愈厲射無不中久之衆寡不敵元毅遂
遇害年四十七事聞上驚悼贈信武將軍收充其子世勳
侍儀司擎執五年登詞賦經義兩科進士奏名之日上與
宰臣歎賞者久之

石抹世勳字景畧幼勤學爲文有體裁貞祐三年累官太

氏姓譜

卷五十六

十一

石抹氏

三五

常丞預講議所事上言徙河北軍戶議給以荒閑之田及
牧馬地其始耕墾費力當倍一歲尚不能熟若奪民素蒔
者與彼此失所且啓不和之端况軍戶率無耕牛彼旣南
來所捐田宅爲人所有一旦北歸能無爭奪切謂宜令軍
戶分人歸守本業收其晚禾至春復還爲固守計土悟乃
罷之未幾遷金安軍節度同知興定二年華州元帥完顏
合達令世勳副前平涼同知卓魯回蒲乃速爲參議官上
謂乃速但能承奉人餘無所長非如世勳可任以事且華
爲要鎮而輕用其人或致敗事遂獨用之尋爲左司郎中
每以畏避繁劇私囑治籍吏冀改他職奪官解任元光元
年起爲禮部侍郎轉司農并太常二卿正大中爲禮部尙
書兼翰林侍講學士天興元年冬哀宗將北度世勳率朝
官劉肅田芝等二十人求見仁安殿上曰我不出軍分爲

二一軍守一軍出戰我出則軍合爲一世勦曰陛下出則軍分爲三一守一戰一中軍護從不若不出爲愈上曰卿等不知朕若得完顏仲德恒山公武仙付之兵事何勞親出今日惟官奴統馬軍三百劉益將步兵五千欲不自將得乎乃涕泣指所坐御榻曰朕此行豈復有還期但恨朕未嘗奢後并信任小人世勦應聲曰若小人亦有之上問謂誰因與肅等悉數移刺粘古温敦昌孫兀撒惹完顏長樂數人惟陛下不知所以用之遂命從行自蒲城至歸德明年次新蔡縣之姜寨遇其子嵩時爲縣令珥於馬前上喜其父子遭亂後始相見授嵩應奉翰林文字嵩字企隆

與定二年經義進士蔡城破父子俱死

石抹仲温本名老幹懿州路胡土虎猛安人充護衛十人

長太子僕正除武寧軍節度使同知宿直將軍器物局使改

氏姓譜

卷百五十六

十一

石抹氏

三

左衛將軍左副點檢坐征契丹逗遛降蔡州防禦使秦和中轉知臨洮府秦和中伐宋青宜可內附在其管內預有勞効進爵二級加賜銀幣詔諸事量宜而行已同諸道進兵以隴右步騎五千出鹽川兵罷改知河中府崇慶初遷陝西統軍使貞祐二年宋人攻秦州率兵敗之仲温尋充本路安撫使改鎮南軍節度使致仕與定三年卒

石抹元亨希明懿州人七歲喪父旁無兄弟號泣不食者數日十三復居母喪如成人長補樞密院尙書省譯史調恩州軍事同知遷監察御史復爲淄州同知捕獲劇盜劉奇久爲民患密聞赦至亟杖殺之闔郡稱快改大興府判官沂王府司馬沁南軍節度副使河內民家多美楹歲獲厚利仇家夜殘毀之誣爲劫賊贖不可得究得其情爲白其罪尋改河北西路轉運副使累遷河北山東西路轉運

副使貞祐初黃櫨吾典徵兵東平擁衆不進大括民財衆忿怨副統僕撒掃合殺之於坐取佩其符縱恣尤甚元密疏劾以擅殺近臣無上不道掃合坐誅貞祐元年移知濟南府到官六月卒生平寡言笑尚節儉居官自守不交權要人以是稱之

元

石抹也先遼人其先嘗從蕭后舉族入突厥及后還而族留至遼爲述律氏號稱后族遼亡訛述律爲石抹氏其祖庫律兒誓不食金祿率部衆遠徙父脫羅畢察兒亦不仕也先其仲子也年十歲從父問宗國之所以亡卽大憤曰兒能復之及長勇力過人多智畧豪服諸部金人聞其名徵爲奚部長卽讓其兄瞻德納曰兄姑受之爲保宗族計遂深自藏匿居北野山射狐鼠而食聞太祖起朔方匹馬氏姓譜

卷五十六

十一陌

石抹氏

三七

來歸首言東京爲金開基地蕩其基本中原可傳檄定也太祖悅命從木華黎率于騎爲先鋒也先曰兵貴奇勝何以多爲諜知金新易東京留守將至獨與數騎邀殺之懷其所授符命至謂守者曰我新留守也入據府中問吏列兵城上何爲吏以邊備對曰方今中外晏然奈何欲陳兵動搖人心卽命撤守備曰寇至在我夜下令易置其將佐部伍三日木華黎至遂入東京定城邑三十二得戶十萬人千兵十萬資糧器械山積降守臣寅答虎等四十七人金人喪其根本地始議遷河南尋移師圍北京久不下及城破將屠之也先曰王師拯人水火彼旣降而復屠則未下者人將死守天下何時定乎奏請赦之授御史大夫領北京達魯花赤命監張鯨軍征燕南未下州郡至平州鯨稱疾不進也先執送行在鯨曰臣實病非敢叛帝曰今

汝弟致爲質當活汝鯨諾而宵遁也先追戮之而致已殺使者起應尋並伏誅也先籍其私養敢死士萬二千人號黑軍者上於朝詔以御史大夫提控諸路元帥府事所將軍皆猛士衣黑爲號故曰黑軍後徙攻蠡州先登中石死

子查刺

石抹查刺亦善射襲御史大夫職南征盡以黑軍爲前列敗金將白撒官奴于河長驅破汴入自仁和門收其圖籍而還論功爲最悉以諸軍俘獲賜黑軍從征遼東城堅如立鐵查刺遣將先登其東北而親奮長槊大呼登西南角摧其飛櫓斬裨卒數十人大軍乘之遂克太宗嘉其功授真定北京兩路達魯花赤卒于柳城

石抹明安桓州人童時嘗騎杖爲馬令羣兒前導行列整肅無敢譁見者異之曰是兒他日必貴太祖旣破金之撫

氏姓譜

卷百五十六

十一陌

石抹氏

三八

州將帥師南向金主命招討使紇石烈九斤來援時明安在其麾下九斤謂曰汝嘗使漠北識蒙古主可往臨陣問以舉兵之故且辱詬之明安初如所教俄策馬來降具以虛實告帝詰之曰爾何詈我而後降對曰臣素有歸志向爲九斤所使恐見疑故如所言不爾何由得脫帝善其意命領蒙古軍撫定雲中東西兩路旣而帝欲休兵北歸明安諫曰金有天下一十七路今我所得惟雲中東西兩路耳若置不問待彼成謀併力而來則難敵矣且山前民庶久不知兵今以重兵臨之傳檄可定兵貴神速豈宜猶豫帝卽命明安引兵南進所至民皆具簞食以迎盡有河北諸郡復命由古北口徇薊檀順諸州諸將議欲屠城明安奏曰此輩罪當死今若與以生全則他州之未附者皆聞風至矣帝從之師次通州金元帥蒲察七斤以城降明安

奏復其職置麾下遂駐軍京南建春官金中丞李英以兵護軍食赴中都明安將五百騎往遇于永清將戰令士卒佯敗金兵來追回擊大破其衆獲李英得糧千餘車又敗金將完顏合住兵于涿州盡取其輜重初順州破也兵士縛密雲主簿完顏壽孫至明安釋而用之未幾逸去已復來問其故對曰有老父在城中恐不能存謀歸奉養今已歿故復來耳明安義而釋之及將兵攻燕京城開門請降明安入諭曰負固不服以至此極非汝等罪守者之責也悉令安業無所擾所得金府庫珠玉錦綺悉具數上進無纖毫私以功加太傅卻國公兼管蒙古漢軍兵馬都元帥以疾卒于燕子咸得卜爲燕京留後

石抹宜孫字申之父繼祖爲沿海上副萬戶鎮台州仁宗初移鎮婺處兩州馭軍嚴肅爲學本經術兼通名法縱橫

氏姓譜

卷百五十六

十一陌

石抹氏

三九

天文地理術數方技釋老之說見稱薦紳間宜孫承其家學長於詩歌嘗以鷹襲父職守處州及弟厚孫長卽讓其職退居天台方國珍起海上行省檄宜孫守温州卽起任事屢平賊築城爲禦敵計至正十七年行省丞相達識帖睦爾承制授宜孫行樞密判官分院治處州以劉基爲其院經歷蘇交龍爲照磨宜孫又辟郡人胡深葉琛章溢參謀軍事處居萬山中盜賊憑據險阻輒竊發不易治宜孫用基等謀或擣以兵或誘以計未幾皆殲殄無遺尋遷同僉行院事值天下多故所在守將各自相保於時浙東則宜孫在處州邁里古思在紹興皆賊所畏憚者次年明兵取蘭溪且逼婺州宜孫母實在婺泣曰義莫重於君親食祿而不事其事是無君也母在難而不赴是無親也卽遣胡深等將民兵數萬赴援親率精銳爲之殿比至婺敗績

明兵入處州宜孫將數十騎走福建境上欲圖恢復所至人心已散知事不可爲嘆曰處州吾所守者今吾勢已窮無所於往不如仍還處境長作處州鬼耳既還至慶元縣爲亂兵所殺追贈越國公諡忠愍

石抹明里契丹人世典內膳初制以內膳爲近臣非篤敬者不得掌明里祖曷魯事太祖久皇子拖雷嘗求之帝聽往赦曰皇子方總兵闢地汝以事朕之恭事之將用黃金覆周汝身矣後從西征在道絕汲曷魯晨起聚草上霜煮羹以進問曰何從得水因告之故師還賜金帛甚厚中統初明里入見世祖令侍臣送至東宮且曰此親臣之子也今以事汝令典膳事太子真金入侍從者千人帝顧曰第五人非明里邪對曰然帝曰上之明里越一人立帝曰更上之明里又越一人立帝曰止賜金紋衣一襲比出侍臣

氏姓譜

卷百五十六

十一

石抹氏

甲

以明里後來居上相耳語帝聞之曰明里之祖事太祖睿宗及朕兄弟爾時汝輩安在顧謂後來邪授典膳令武宗卽位詔以明里夫婦歷事帝后保抱朕躬朕甚德之先以假禮部尙書食祿可更加司徒其妻梅仙封順國夫人仁宗在東宮語官人曰昔朕有疾甚危梅仙守視不解帶者七十日今不敢忘賜寶帶錦衣予九人皆貴顯

號射氏

魯大夫號射之後漢桓帝時羽林右監號射鏘

柏常氏

正字通云複姓也

歷代名賢

柏常鸞周人也去周之齊身晏嬰自鸞不自量其不肖願

事君子敢問正道直行則不容於世隱道危行則不忍道亦無滅身亦無廢者何若嬰曰善哉問嬰聞之執二法禪則不取也輕進苟合則不信也直易無諱則速傷也新始奸利則無敵也且嬰聞養世之君子從重不爲進從輕不爲退省行而不伐讓利而不夸陳物而弗專見象而弗強道不滅身不廢矣景公爲露寢之臺成而不通騫曰臺成君何爲不通公曰然臬昔者鳴吾惡之是以不通焉騫曰臣請禳而去之明日臬當陞布翼而死公曰子之道若此其明也亦能益寡人壽乎對曰能公曰能益幾何對曰天子九諸侯七大夫五公曰亦有徵兆之見乎對曰得壽地且動公喜令百官趣具騫之所求騫出遭晏嬰于塗拜馬前曰騫今且大祭爲君請壽嬰曰嘻亦善矣能爲君請壽也然則福箱有見乎對曰得壽地將動嬰曰騫昔吾見維

氏姓譜

卷五十六

十二陌

百象氏至四

星絕樞星散地其動汝以是乎公爲大鐘仲尼晏嬰及騫皆曰鐘將毀撞之果毀公名三子問之仲尼曰鐘大縣下其氣不得下薄是以曰將毀嬰曰鐘大非禮是以曰將毀騫曰今日庚申雷曰也陰莫勝于雷是以曰將毀

白狄氏
伯夫氏
見姓苑

白冥氏

史記秦嬴姓有白冥氏

白馬氏

風俗通微子乘白馬朝周

百象氏

風俗通白象先生古隱者

白鹿氏

風俗通白鹿先生古賢人著書

白石氏

神仙傳曰白石生中黃大夫弟子

伯宗氏

世本晉孫伯起生伯宗因氏焉

石弟氏

子姓潛夫論宋石弟之後

石牛氏

見姓苑

伯有氏

姬姓鄭穆公元孫良霄字伯有之後伯有為良氏復為

氏姓譜

卷五十六

十三職

陳陽氏

四

伯有氏所以別其族

入聲

十一錫

陳陽氏

風俗通後漢景丹封櫟陽侯曾孫分避亂隴西因封為

氏

入聲

十三職

卽墨氏

齊將田單守卽墨支孫氏焉漢卽墨成齊人以易至城

陽相見漢書儒林傳

直勒氏

宏簡錄云直勒偃本姓直勒氏後改為謝氏又通志云

謝懿賜姓大野氏懿偃高祖也未知孰是今並誌之

歷代名賢

唐

直勒偃衛縣人祖孝政比齊散騎常侍改姓謝偃善作賦仕隋為散從員外貞觀初及第歷高陵縣簿十一年駕幸東都穀洛泛溢上封極言得失太宗稱善引為宏文館直學士拜魏王府功曹嘗為塵影之賦甚工太宗召見令述區宇又安功德茂盛自為序但令作賦偃奉詔撰成名曰迷聖賦賜綵數十匹又獻惟皇誠德賦大畧以理忘亂安忘危夫此四者人君莫不皆然冀申諷諭與李百藥齊名時稱李詩謝賦府廢出為湘潭令卒有文集十卷

北門氏

北門駟見左傳北門子見尸子北門成見莊子

北宮氏

姬姓衛之公族也左傳北宮奢孟子北宮黝又北宮錡

氏姓譜

卷百五十六

十三

直勒氏至

四

漢書北宮伯子晉西河太守北宮協前涼護軍北宮萌

歷代名賢

周

北宮括成公會孫所謂北宮懿子也事獻公獻公三年鄭侵侵括救晉侵鄭至于高氏十三年諸侯伐鄭括及曹大制人從晉荀偃韓起門于師之梁鄭成同盟于戲十八年括及諸侯之大夫會吳于向二月諸侯之大夫從晉侯伐秦及涇不濟魚莒先濟鄭公孫薑見括曰與人而不固取惡甚孰焉若社稷何括說及薑見諸侯之師而勸之濟至于棫林不獲成而還諡曰懿

北宮匡括之子文子也初事獻公獻公薨事襄公襄公二年佗相公以如楚過鄭印段廷勞于棊林如聘禮而以勞亂佗入聘公孫揮為行人馮簡子與游吉逆客事畢而出

言于公曰鄭有禮其數世之福也其無大國之討乎詩云誰能執熱逝不以濯禮之于政如熱之有濯也濯以救熱何患之有公在楚佗見令尹圍之威儀言于公曰令尹似君矣將有他志雖獲其志不能終也詩云靡不有初鮮克有終終之實難令尹其將不兌公曰子何以知之對曰詩云敬慎威儀維民之則令尹無威儀民無則焉民所不則以在民上不可以終公曰善哉何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之故能守其官職保族宜家順是以下皆如是是以上下能相固也四年晉韓起來聘公享之佗賦淇澳起賦木瓜襄公薨事靈公佗卒諡曰文

比郭氏

氏姓譜

卷百五十六

十三藏

北海氏至

圖

左傳齊大夫北郭子車之後子車名佐生啓說苑北郭騷齊人與晏子爲友又北郭伯王漢將軍

北邱氏

北野氏

北鄉氏

並見姓苑

北殷氏

成湯之後有北殷氏

北唐氏

英賢傳曰晉有高人越者隱伏于北唐因氏焉漢北唐子真治京氏易

北海氏

英賢傳曰古有劉河者處于北海其後以爲氏吳大夫

北海子高

比人氏

古有比人無擇與舜為友舜以天下讓之無擇乃自投
清冷之淵終身不反見莊子

息夫氏

媯姓風俗通息公子邊為大夫因氏焉

歷代名賢

漢

息夫躬字子微河內河陽人少為博士弟子受春秋通覽
記書容貌壯麗為眾所異哀帝初即位皇后父特進孔鄉
侯傅晏與躬同郡相友善躬繇是以為援交游日廣先是
長安孫寵亦以游說顯各免汝南太守與躬相結俱上書
名待詔是時哀帝被病始即位而人有告中山孝王太后

氏姓譜

卷百五十六

十三藏

息夫氏至

望

祝詛上太后及弟宜鄉侯馮參皆自殺其罪不明是後無
鹽危山有石自立開道躬與寵謀曰上亡繼嗣體久不平
關東諸侯心爭陰謀今無鹽有大石自立聞邪臣託往事
以為大山石立而先帝龍興東平王雲以故與其後日夜
祠祭祝詛上欲求非望而後舅伍宏反因方術以醫技得
幸出入禁門霍顯之謀將行於杯杓荆軻之變必起於帷
幄事勢若此告之必成發國姦誅主讐取封侯之計也躬
寵廼與中郎右師譚共困中常侍宋宏上變事告焉上惡
之下有司案驗東平王雲雲后謁及伍宏等皆坐誅上擢
寵為南陽太守譚潁川都尉宏躬皆光祿大夫左曹給事
中是時侍中董賢愛幸上欲侯之遂下詔云躬寵因賢以
聞封賢為高安侯寵為方陽侯躬為宜陵侯食邑各千戶
賜譚爵關內侯食邑丞相王嘉內疑東平獻事爭不欲侯

賢等嘉固言董賢泰盛寵躬皆傾覆有佞邪材恐必撓亂
國家不可任用嘉以此得罪矣躬既親近數進見言事議
論亡所避衆畏其口見之仄目躬因上疏歷詆公卿大臣
又言秦開鄭國渠以富國彊兵今爲京師土地肥饒可度
地勢水泉廣漑灌之利天子使躬持節領護三輔都水躬
立表欲穿長安城引漕注大倉下以省轉輸議不可成廼
止董賢貴幸日盛丁傳害其寵孔鄉侯晏與躬謀欲求居
位輔政會單于當來朝遣使言病願朝明年躬因是而上
奏以爲單于當以十一月入塞後以病爲解疑有他變烏
孫兩昆彌弱卑爰寔強盛居疆煌之地擁十萬之衆東結
單于遣子往侍如因素彊之威循烏孫就屠之迹舉兵南
伐并烏孫之勢也烏孫并則匈奴盛而西域危矣可令降
胡詐爲卑爰寔使者來上書曰所以遣子侍單于者非親

氏姓譜

卷百五十六

十二歲

息夫氏

四

信之也實畏之耳唯天子哀告單于歸臣侍子願助戊巳
校尉保惡都奴之界因下其章諸將軍令匈奴客聞焉則
是所謂上兵伐謀其次伐交者也書奏上引見躬名公卿
將軍大議左將軍公孫祿以爲中國常以威信懷服夷狄
躬欲逆詐造不信之謀不可許且匈奴賴先帝之德保塞
稱蕃今單于以疾病不任奉朝賀遣使自陳不失臣子之
禮臣祿自保沒身不見匈奴爲邊竟憂也躬持祿曰臣爲
國家計幾先謀將然豫圖未形爲萬世慮而左將軍公孫
祿欲以其犬馬齒保目所見臣與祿異議未可同日語也
上曰善乃罷羣臣獨與躬議因建言往年熒惑守心太白
高而芒光又角星弗於河鼓其法爲有兵亂是後訛言行
詭籌經歷郡國天下騷動恐必有非常之變可遣大將軍
行邊兵敕武備斬一郡守以立威震四夷因以厭應變異

上然之以問丞相嘉對曰臣聞動民以行不以言應天以實不以文下民微細猶不可詐況於上天神明而可欺哉天之見異所以敕戒人君欲令覺悟反正推誠行善民心說而天意得矣辯士見一端或妄以意傳著星歷虛造匈奴烏孫西羌之難謀動干戈設爲權變非應天之道也守相有臯車馳詣闕交臂就死恐懼如此而談說者云動安之危辯口快耳其實未可從夫議取者苦其諂諛傾險辯慧深刻也諂諛則主惠毀傾險則丁怨恨辯慧則破正道深刻則傷恩慧昔秦繆公不從百里奚蹇叔之言以敗其師悔過自責疾誑誤之臣思黃髮之言各垂於後世唯陛下觀覽古戒反覆參考無以先人之語爲主上不聽遂下詔曰問者災變不息盜賊衆多兵革之徵或頗著見未聞將軍惻然深以爲意簡練戎士繕修干戈器用監惡孰當

氏姓譜

卷百五十六

十三職

息夫氏

四

督之天下雖安忘戰必危將軍與中二千石舉明習兵法有大慮者各一人將軍二人詣公車就拜孔鄉侯傅晏爲大司馬衛將軍陽安侯丁明又爲大司馬驃騎將軍是日有食之董賢因此沮躬晏之策後數日收晏衛將軍印綬而丞相御史奏躬臯過上由是惡躬等下詔曰南陽太守方陽侯寵素亡廉聲有酷惡之資毒流百姓左曹光祿大夫宜陵侯躬虛造詐諉之策欲以誑誤朝廷皆交遊貴戚趨權門爲各其免躬寵官遣就國躬歸國未有第宅寄居邱亭姦人以爲侯家富常夜守之躬邑人河內祿賈惠往過躬教以祝盜方以桑東南指技爲七畫北斗七星其上躬夜自被髮立中庭向北斗持七指祝盜人有上書言躬懷怨恨非笑朝廷所進侯星宿視天子吉凶與丞同祝詛上遣侍御史廷尉監逮躬繫雒陽詔獄欲掠問躬

天大誦因僵仆吏就問云咽已絕血從鼻耳出食頃死黨友諒議相連下獄百餘人躬母聖坐祠竈祝詛上大逆不道聖棄市妻充漢與家屬徙合浦躬同族親屬素所厚者皆免廢錮哀帝崩有司奏方陽侯寵及右師譚等皆造作姦謀罪及王者骨肉雖蒙赦令不宜處爵位在中土皆免寵等徙合浦郡初躬待詔數危言高論自恐遭害著絕命辭曰元雲泱鬱將安歸兮鷹隼橫厲鸞併徊兮矰若浮焱動則機兮藜棘接棧曷可棲兮發忠忘身自繞罔兮寃頸折翼庸得往兮涕泣流兮萑蘭心結惜兮傷肝虹蜺曜兮日微孽杳冥兮未開痛入天兮嗚呼寃寃際絕兮誰語仰天光兮自刳指上帝兮我察秋風爲我唼浮雲爲我陰嗟若是兮欲何留撫神龍兮檻其須游曠迴兮反亡期雄失據兮世我思後數年乃死如其文

氏姓譜

卷百五十六

十三職

息夫氏至
黑詠氏 只

默台氏

見姓譜漢有默台峯

黑夷氏

見姓譜黑夷皐黑夷須俱宋大夫見風俗通

稷邱氏

稷邱子得仙道

弋門氏

姓苑云漢陽人

黑肱氏

牟姓楚共王之子公子黑肱之後因氏焉

黑台氏

子姓宋成公子黑台之後漢書有黑台楨

入聲

十四編

執失氏

北番酋帥有屈密支頡利發姓執失氏

歷代名賢

詩

執失思力突厥酋長也貞觀中護送隋蕭后入朝授左領軍將軍會頡利敗太宗令思力諭降渾斛薩部落稍親近帝逐免苑中思力諫曰陛下為四海父母乃自輕臣竊殆之帝異其言後復逐鹿思力脫巾帶回諫帝為止及討遼東詔思力屯金山道領突厥扞薛延陀延陀兵十萬寇河南思力示羸不與确賊深入至夏州乃整陣擊敗之追躡六百里會毘伽可汗死擢兵積比而歸復從江夏王道宗破延陀餘衆與平吐谷渾詔尚九江公主拜駙馬都尉封安國公坐交房遺愛高宗以其戰多赦不誅流儋州主請

氏姓譜

卷百五十六

丁四編

執失氏至

兜

削封邑偕往主前卒龍朔中以思力為歸州刺史卒麟德

元年復公主封邑贈思力勝州都督諡曰景

邑田氏

見姓苑

邑裘氏

衛大夫邑裘氏之後

立如氏

魯賢人立如子著書見風俗通

入聲

十五合

合博氏

漢功臣昔侯合博胡害曾孫興昭帝時將軍

答祿氏

歷代名賢

答祿與權字道夫蒙古人仕元爲河南比道廉訪使僉事
人明寓河南永寧洪武六年用薦授秦府紀善改御史請
重刊律令盱眙民進瑞麥與權請薦宗廟帝曰以瑞麥爲
朕德所致不敢當其必歸之祖宗御史言是也明年出爲
廣西按察僉事未行復爲御史上書請祀三皇下禮官議
遂并建帝王廟且遣使巡視歷代諸陵寢設守陵戶二人
三年一祭其制皆由此始又請行禘禮議格不行改翰林
修撰坐事降典籍尋進應奉十一年以年老致仕

入聲

十六葉

涉其氏

漢有涉其帑

接輿氏

氏姓譜

卷百五十六

十五合

十六葉

辛

楚隱者其後因爲氏

入聲

十七合

甲父氏

古諸侯以國爲氏今單州有甲父城漢有侍御史甲父
祖

夾谷氏

見姓譜

歷代名賢

金

夾谷衡本名阿里木山東西路三土猛安益打把謀克人

與尼龐古鑑俱登大定十三年女直進士補東平府教授

調范陽簿選充國史編修應奉翰林文字世宗嘗語宰臣

女直進士中才傑之士蓋亦難得如衡與鑑及徒單鑑皆

有用材俄遷修起居注章宗立除侍御史轉右司員外郎敷奏稱旨升左司郎中明昌二年擢御史中丞未幾拜叅知政事以病表乞致仕詔撫慰不許四年上諭朕選大臣以俾參機務必資謀畫協贊治平其或得失晦而未形利害膠而未決正須識見純直方能去取合公比來議事之臣鮮有一定之論蓋以內無所守故臨事而惑致其中有失朕將何賴卿忠實公方審其是者執而不回見非者去而能果有若權衡應物可賜名衡古者命名將以責實汝先有實可稱行之克終乃副朕意遇同列胥持國言區種法衡奏曰若苟有利古已行之但用功多而所種少荒廢田土徒勞無益俄進尚書右丞故事隨朝久任得使江南衡未使就拜特賜錢六千貫六年遷左丞從討阻鞞出撫州行樞密院副使選親軍武衛軍各五百以從仍給錢五

氏姓譜

卷百五十六

十七洽

夾谷氏

五二

千萬父憂起復本職承安二年轉上京留守尋復行院規畫邊事以修完封界賜詔褒諭四年就拜平章政事封英國公五月庚申薨年五十一上聞惻然爲輟朝命官致祭賜贈有加遣使勅葬諡曰貞獻

來谷清臣本名阿不沙胡里改路桓篤人姿狀雄偉善騎射皇統八年襲祖駁達猛安聞世宗卽位率本部軍六千赴中都以功遷昭武大將軍爲元帥志寧管押萬戶接應左都監完顏思敬逐窩幹餘黨敗之柔遠前至抹拔里達之地悉擒之賊平遷鎮國上將軍知穎順軍事大定三年五月從志寧復取宿州捷聞授宿州防禦使移博州改西北路招討都監遷烏古十疊部族節度使歷遷左右副都點檢因典禁兵日侍左右勤勞久著除爲陝西路統軍使兼知京兆府朝辭賜金帶鹿馬諭以益思自勉二十六年

改西京留守闕三歲遷樞密副使明昌元年立其女爲昭儀眷倚益重二年拜尚書左丞頃之進平章政事封芮國公四年遷右丞相監修國史時議簽軍戍邊土問漢人與夏人孰勇對曰漢人勇何昔元昊擾邊宋終不能制荅曰宋馭軍法不可得知今西南路人殊勝于彼未幾遷崇進改封戴國公人有以入陣圖來上者土問朕嘗觀宋白所集武經其載攻守之法亦多難行對曰兵書皆定法難以應變本朝行兵之術惟用正奇二軍臨敵制變以正爲奇以奇爲正故無往不克上曰自古用兵亦不出奇正二法耳且學古兵法如學奕碁未能自得於心而欲用舊陣勢以接敵亦已疎矣尋以母老許賜告歸省五年二月省覲還謁上御凝和殿問卿母健否其壽幾何別相幾許對曰年八十三別十年幸頗強健上曰何不來此曰急於家務

氏姓譜

卷百五十六

十七洽

夾谷氏

五三

故不欲離耳土曰老人多如是復問胡里改路風俗何如對曰視舊則稍知禮貌而勇勁不及因言西南西北等路軍人其閑習弓矢亦非復曩時六年遷儀同三司進拜左丞相改封密國公受命禦邊行臨潢尚書省事遣人偵敵虛實以輕騎八千令宣徽使移刺敏爲都統完顏安國爲左右翼分領前隊自選精兵一萬以當後隊進至合勒河前隊敏于梯檉灤攻下十四營回迎大軍屬部斜出掩其所獲羊馬資物以歸遣使獻捷以貪小利責其賄賂阻鞮由此叛去大肆侵掠上加譴責代以右丞相襄承安五年降授橫海軍節度使兼滄州管內觀察使尋致仕泰和二年薨年七十子么查刺襲猛安

夾谷守中

咸平人本名阿土古大定二十二年登第歷清

池聞喜二簿尚書省令吏刑部主事監察御史修起居注

轉禮部員外郎大名治中歷嵩涿北京臨洮路按察副使以憂起復曷懶路兵馬都總管同知坐事謫韓州刺史尋復平涼府同知大安二年爲秦州防禦使遷通遠軍節度使夏兵數萬入鞏州乘城備守兵少不能支城陷官吏盡降獨守中不屈夏人壯之且誘且脇其志益堅遂載而西至平涼要以招降府人佯許之至城下卽大呼曰外兵矢盡且遁慎勿降夏人交刃殺之興定初監察御史郭著以聞詔贈資善大夫東京留守仍收其子兀母爲筆硯承奉爽谷懺大安初授贊皇簿禮以接士嚴以治奸時值蝗旱民大飢窘懺規畫賑救有法民賴以存縣境有塘產蓮歲久不開自懺來連歲得瑞花人以爲異政所感

元

夾谷之奇字士常其先出女真加古部後訛爲夾谷徙家

氏姓譜

卷百二十六

十七洽 夾谷氏

五

滕州少孤舅氏携之東平起家濟寧教授大兵南伐授行省左右司都事時行省官與權臣有隙特遣使覈其財用之奇職文書亦被按元帥張宏範率其屬詣使者言夾谷都事素公清若少有侵漁當與連坐會御史臺立薦之奇僉江南浙西道事至元十九年世祖名爲吏部郎中立涉降澄汰之法著爲令尋遷左贊善時真金爲皇太子每進見必賜坐顧遇良厚權臣有欲以均輸法益國賦者慮按察使撓其事請併入轉運司詔集羣臣議之奇言按察使名外臺控制諸路發摘姦伏責任匪輕若使之理財則心勞事冗將彌縫自救之不暇又安能繩糾他人哉併之非便事遂寢又與左諭德李謙條上時政十事太子薨除翰林直學士累官吏部尙書爲文簡嚴有法多傳于世

夾谷山壽女真人延祐四年任崇安縣尹縣西有梨嶺路

險隘行者苦之山壽鑿石途修建縣學兩廡士民頌之

歷代列女

夾谷氏婦名阿魯真金宗至承充之女胡里改猛安夾谷
胡山之妻夫亡寡居從父上京元帥蒲選萬奴反行省太
平執以應之承充語其二子女胡蒲速乃曰吾起身宿衛
致位一品死無恨矣若輩亦皆通顯未嘗一日報國家當
思自處以爲後圖二子乃冒險南走自拔歸京阿魯真獨
募兵選衆修城備械積芻糧以自守萬奴使人招之不從
又使承充射書入城得而碎之曰此詐也萬奴怒急攻之
乃更男子服與其子蒲帶力戰殺數百人生擒十餘兵乃
解去後復遣將擊萬奴獲賊將一人詔封郡夫人蒲帶視
功遷賞

氏姓譜

卷百五十六

十七洽

夾谷氏

晉

氏姓譜卷百五十六終

歷代名賢列女氏姓譜卷之一百五十七

湘鄉 蕭智漢雲澤氏纂輯

男秉信明甫氏校

代北複姓

屋引氏

本居元朔隨魏南遷孝文改爲屋引氏唐屋引豐生洪
仁府統軍封渭源縣公

素和氏

鮮卑擅石槐之支裔後魏書云以本白部故號素孝文
改爲和氏

統干氏

代人孝文改爲干氏唐統干承基刺客統干泉江東觀
察使

氏姓譜

卷百五十七

代北

屋引氏至
叱羅氏

可頻氏

周書王雄傳云太原人唐貞觀志云代人雄涇州總管
庸國公西魏賜姓可頻氏生謙周益州總管阻兵爲隋
文帝所滅宋建中中藍田尉可頻瑜其後也

仇尼氏

後燕錄有柴州刺史洛陽公仇尼倪

大野氏

後魏末南青州刺史大野拔都督大野況又周書閻慶
賜姓大野氏又後魏龍驤將軍謝懿賜姓大野氏

賀賴氏

南燕有徐州刺史賀賴盧

叱羅氏

改爲羅氏西魏叱羅協柱國

歷代名賢

南北

叱羅協代郡人本名與周武帝諱同後改焉少寒微嘗爲州小吏以恭謹見知賣秦爲御史中尉以協爲書侍御史秦向潼關協爲監軍秦死協見獲周文帝授大丞相東閣祭酒累遷相府屬從事中郎協歷事二京詳諫故事又深自剋勵文帝頗委任之然猶以家屬在東疑其戀本及河橋戰敗協隨軍還文帝知協不貳封冠軍縣男進爵爲侯後爲大將軍尉遲迥長史率兵伐蜀行潼州事魏恭帝三年文帝徵協入朝論蜀中事乃賜姓字文氏晉公護既殺孫洹李植等欲委腹心於司會柳慶司憲令狐整等二人並辭俱薦協護遂徵協入朝引與同宿深寄託之誓以軀命自效護大悅以爲得協之晚稍遷護府長史進爵爲公

叱羅氏譜

卷百二十七

代姓

叱羅氏至

一

常在護側護以其忠已每提獎言協既受護重委冀得婚連帝室乃求復舊姓叱羅氏許之又進位柱國護以協年老許其致仕而協未肯告休及護誅除名建德三年以協宿齒授儀同三司賜爵南陽郡公卒年七十六子金嗣

叱奴氏

改爲狼氏西魏開府叱奴興周文帝叱奴后生武帝又光祿大夫叱奴祐

出連氏

改爲畢氏西秦錄乞伏國仁之先如弗與出連斯引叱靈二郡自漢北出陰山有丞相出連乞都尉雍州刺史出連本右僕射出連虔右輔將軍出連高明

莫者氏

西秦錄莫者殺短右衛將軍莫者幼春西安太守莫者

阿胡尚書郎

莫侯氏

西秦錄莫侯弟眷南荊州刺史

悅力氏

悅力延後魏謁者

禿髮氏

河西鮮卑人也其先與後魏同出烏孤八世祖匹孤率其部自塞北遷於河西匹孤卒于壽闡僭立初壽闡之在孕母胡披氏因寢產於被中鮮卑謂被為禿髮因而氏焉

勅力氏

勅力健後魏高車別帥

曠云氏

氏姓譜

卷百二十七

代姓

莫侯氏至

三

牒云樂北齊營州刺史漢中公

禾易氏

後魏木易于為多蘭部帥

何奈氏

匈奴單于之裔歸漢為何奈氏晉幽州牧王浚將軍何

奈彪

唯徐氏

史記漢景帝時唯徐盧容成侯

呼毒氏

漢武帝時匈奴王呼毒尼降封下摩侯傳封三代

渠復氏

漢武帝時屬國酋渠復累封昆侯傳子絕

植黎氏

後魏有端端別帥植黎勿地來降

吐賀氏

後漢有吐賀真

吐突氏

唐有中官右監門大將軍吐突承瓘字仁貞闕人見唐

書

紇單氏

改為單唐有日者紇單珪

可沓氏

梁日南王可沓振

醜門氏

西魏將軍醜門弟子

庫汗氏

氏姓譜

卷百五十七

氏姓

吐賀氏至

四

庫汗勳貞元中范陽判官殿中御史

若久氏

若久和後燕步兵校尉

阿跌氏

九姓阿跌部為雜田州都督唐單于都護振武節度使

兼御史大夫阿跌光進元和二年詔賜姓李名光顏陳

許節度使

高車氏

卽九姓迴鶻種類也入中國者號高車氏後魏有高車

或如

舍利氏

北番酋帥舍利部大人因氏焉龍朔中左威衛大將軍

舍利阿博曾孫葛旃兼御史大夫賜姓李氏名奉國繼

父弟登左神武大將軍

沙吒氏

北番酋帥也沙吒義神龍中左驍衛大將軍封郿國公

沙陁氏

西北番突騎施首領也唐神龍右驍衛大將軍滿州都督張掖公沙陁金山開元左羽林大將軍永壽郡王沙陁輔國左金吾大將軍同正酒泉公沙陁盡忠

似和氏

唐似和舒左威衛大將軍赤水軍副使封武威公

天拔氏

突騎施首領唐天拔石失卑左武衛大將軍封燕山王

子歸仁襲

啜刺氏

氏姓譜

卷百五十七

代姓

沙吒氏至

五

突厥首領長壽中司僕卿同正榆林伯啜刺真生元崇

左威衛將軍同正樓煩男生瓌尚永壽奉御

薩孤氏

代人隨魏南徙

是連氏

自代北隨魏南徙

可達氏

代北武川人隨魏南徙

叱列氏

一云叱利代郡西部人世為酋帥北史有叱列延慶後魏初各依舊為叱利氏後周改為利氏

歷代名賢

南北

叱列平字殺鬼有容貌美鬚髯善射馭襲第一領人會長
臨江伯魏未以軍功至武衛將軍隨尔朱榮破葛榮平元
顯封瘿陶縣伯榮死尔朱氏陵替平懼禍後歸齊神武從
破四胡于韓陵以軍功天保初累遷兗州刺史開府儀同
三司卒贈都督瀛州刺史諡曰莊惠子孝冲嗣孝冲弟長
义武平末侍中開府儀同三司封新寧王隋開皇中位上
柱國卒於涇州刺史在官以清幹稱

拔也氏

與斛律同祖為拔也部因氏焉

叱于氏

代人後魏獻帝定姓為叱于氏居武川

乙干氏

代人隨魏南徙

氏姓譜

卷百五十七

代姓

叱列氏至

六

折婁氏

本鮮卑隨魏南徙

谷渾氏

吐谷渾歸化因氏焉

車焜氏

後魏獻帝命疎屬為車焜氏繫十姓之列孝文改為車

氏

車非氏

後魏獻帝次兄為普氏孝文改為周氏至金陵公搖周

閔帝賜姓車非氏

乙旃氏

後魏官氏志獻帝命叔父之裔為乙旃氏是為十姓

長孫氏譜孝文改為叔孫氏

徒何氏

周書柱國太尉李弼賜姓徒何氏

谷會氏

官氏志改爲谷氏後有谷會現

拔畧氏

後魏官氏志拔畧改爲蘇氏賀拔勝傳有都督拔畧昶

侯利氏

後魏正孤之後猶中國方伯也

侯元氏

改爲元氏

侯畿氏

改爲畿氏

侯力氏

氏姓譜

卷百五十七

代北復姓

徒何氏至

七

改爲鮑氏

侯奴氏

改爲侯氏

賀魯氏

改爲周氏

賀葛氏

改爲葛氏

賀兒氏

改爲兒氏

是婁氏

改爲高氏

是賁氏

改爲封氏

改爲婁氏

无婁氏

改爲婁氏後魏顯祖司徒正婁內牛女成齊神武明皇
生文襄文宣孝昭武成帝詳見婁后

和利氏

解律和利帥信利奔後魏封孟都公

多內氏

後魏初多蘭訶大人因氏焉

質術氏

後魏初質術部居百餘里因氏焉

世突氏

後魏世有突大人本姓世突因氏焉

改爲改氏



改爲婁氏

疋婁氏

改爲婁氏後魏贈司徒疋婁內干女爲齊神武明皇后
生文襄文宣孝昭武成帝詳見婁后

倍利氏

斛律部別帥倍利奔後魏封孟都公

多蘭氏

後魏初多蘭剖大人因氏焉

賀術氏

後魏初賀術部居賀術山因氏焉

吐奚氏

後魏吐古弼大人本姓吐奚名古後魏司徒賜姓古弼

氏姓譜

卷百五十七

代北

疋婁氏至

九

越勒氏

後魏有越勒部因氏焉

爾綿氏

改爲綿氏後魏蠕蠕渠帥爾綿他拔來降

溫孤氏

代人改爲溫垂拱中有溫孤元軌

解毘氏

改爲解氏後魏高車別帥解毗莫弗幡豆建

護諾氏

後魏西河胡護諾于內附

鐵伐氏

赫連勃勃以其本宗支庶非正統者並爲鐵伐氏

胡掖氏

禿髮壽闡母胡掖氏女也

者舌氏

本康居國人朝後魏因留中國

尸逐氏

姓氏英賢傳云南匈奴尸逐鞬裔孫降漢因氏焉

先賢氏

匈奴單于從兄日逐王先賢掸漢元時降封歸德侯生

富昌傳封三代

奇斤氏

蠕蠕別帥歸中國後改爲奇氏

茹茹氏

其先蠕蠕種類爲突厥所破歸中國後魏蔚州刺史高

平公茹茹敦生慎周寧州刺史洋公生師寶海寶師寶

氏姓譜

卷百五十七

代姓

者舌氏至

十

隋車騎大將軍安次公生盛壽海寶唐右屯衛大將軍

悉居氏

古西夜國人也

麗非氏

與荔非同

吐門氏

改爲門氏

吐難氏

改爲山氏

渴單氏

改爲單氏

阿單氏

改爲單氏

馮侯氏
改爲紙氏

沮渠氏

臨松廬水胡人也其先世爲匈奴左沮渠遂以官爲氏

統萬氏

改爲萬氏

統稽氏

改爲稽氏

悉雲氏

改爲雲氏

安遲氏

改爲遲氏

輒遲氏

氏姓譜

卷百五十七

馮侯氏

馮侯氏至

士

改爲遲氏

烏蘭氏

改爲烏氏

副呂氏

改爲呂氏

柯杖氏

改爲柯氏

溫益氏

改爲溫氏

馮邗氏

改爲邗氏

如羅氏

改爲羅氏

邱林氏

改爲邱氏

如稽氏

改爲緩氏

鐵弗氏

改爲弗氏

薄奚氏

改爲奚氏

紇奚氏

改爲紇氏

口引氏

改爲冠氏

須卜氏

氏姓譜

改爲卜氏

烏丸氏

改爲桓氏

可地氏

改爲延氏

杏盧氏

改爲杏氏

菟眷氏

後魏書官氏志南方有菟眷氏改爲菟氏

去斤氏

改爲艾氏

菟賴氏

卷百五十七

代姓

邱林氏至
上



改爲... 氏... 氏... 氏...

素黎氏

改爲黎氏

庫門氏

改爲門氏

婆衍氏

見複姓錄

宿勤氏

後魏賊帥宿勤明遠

地倫氏

見複姓錄

武都氏

西秦錄有武都氏

普屯氏

氏姓譜

卷百五十七

戎姓

素黎氏至

三

周書辛威賜姓普屯氏

折掘氏

南涼錄秃髮傉檀立折掘氏爲皇后

咎盧氏

改爲管氏

達步氏

周文帝如達步氏生齊王憲茹茹人

斯引氏

西秦錄乞伏氏與斯引氏自漠北出陰山

叱靈氏

乞伏與斯引出連叱靈三部至隴西

郁朱氏

鮑俎氏

鶻也氏

渠金氏

軍朱氏

叱雷氏

駱雷氏

吐粟氏

都朱氏

生耳氏

薄野氏

鵲奚氏

九盧氏

荷訾氏

李蘭氏

默容氏

三種氏

吐火氏

吐和氏

屋南氏

鶻野氏

已上二十一姓見複姓錄並不詳所出

闕西複姓

鉗耳氏

西羌人狀云周王季之後為虔二氏音訛為鉗耳姓氏英賢傳曰本胡姓梁天監初鉗耳期陵自河南歸化父同祖光並仕虜為三品唐鉗耳大福

彌姐氏

彌姐婆觸後秦冠軍大將軍彌姐要地遼東侯彌姐威立節將軍後魏末彌姐元進夏州酋望也彌姐長通唐

氏姓譜

卷百五十七

闕西複姓

鉗耳氏至

古

右領軍延州刺史

荔非氏

西羌種類也隋有荔非雄涇州人伏誅唐彭州刺史荔非某生寶應節度荔非元禮

歷代名賢

唐

荔非元禮寧州人起裨將累兼御史中丞李光弼守河陽周摯攻比城光弼方壁中渾摯閔併兵從光弼光弼使元禮守羊馬城植小旗城東北隅望摯軍摯恃衆直逼城以車千乘載木鵝撞車塵兵瑱塹入道並進光弼諭元禮曰中丞視賊過兵不顧何也報曰公欲守邪戰歟光弼曰戰曰方戰賊為我實墜復何怪光弼曰吾慮不及此公勉之元禮遂出戰摯軍小卻元禮以敵堅未可以馳還軍示弱

怠其意光弼怒使召元禮欲按軍法答曰方戰不及往請破賊以見因休柵中良久顧麾下曰向公來名殆欲斬我鬪死有名無庸受戮下馬持刀瞋目直前銳士堵而進左右奮擊一當數人斬賊數百首摯遁去以功累遷驃騎大將軍懷州刺史知鎮西北庭行營節度使上元二年光弼進收洛陽軍敗元禮徙軍冀成爲麾下所害

莫折氏

本西羌世居渭州襄武縣

天蒙氏

西羌人後秦建威將軍夫蒙羌命姓纂云今同蒲二州多此姓或改姓爲憑

携蒙氏

魯步氏

胙和氏

同蹄氏

屈男氏

罕井氏

氏姓譜

卷百五十七

關西

莫折氏至

五

以上俱見姓譜

且氏

彡音陝且音子且反今合二字爲彡音陝見前上聲二十八儉內明天順甲申進士彡茂湖廣公安人上不識其姓問內閣李賢對曰彡音同陝卽以御筆改爲陝

不蒙氏

音夢西羌人後魏書不夢蛾使內修

咄啞氏

咄音野啞音經

諸方複姓

天餘氏

風俗通吳太子夫槩王奔楚餘予在吳以夫餘爲氏百濟國王夫餘寬生璋號帶方郡王生義茲唐拜帶方親

王金紫光祿大夫生隆熊州都督帶方郡王生文宣司
膳卿左衛大將軍樂浪郡公

黑齒氏

見唐書

歷代名賢

黑齒常之百濟西部人長七尺饒毅有謀畧爲百濟達率
兼風達郡將猶唐刺史云蘇定方平百濟常之以所部降
而定方囚老王縱兵大掠常之懼與左右會長十餘人遞
去彌合通亡依任存山自固不旬日歸者三萬定方勒兵
攻之不克常之遂復二百餘城龍朔中高宗遣使招諭乃
詣劉仁軌降畧遷左領軍員外將軍洋州刺史儀鳳三年
從李敬元劉審禮擊吐蕃審禮敗敬元欲引還阻泥蒲兵

氏姓譜

卷百五十七

諸方

夫餘氏至

十六

不得出賊屯高壓官軍常之夜率敢死士五百人掩其營
殺掠數百人賊會跋地設棄軍走帝嘆其才擢左武衛將
軍檢校左羽林軍賜金帛殊等進爲河源軍副使調露中
吐蕃使贊婆等入寇屯良非川李敬元之敗常之引精騎
三千夜襲其軍斬首二千級獲羊馬數萬贊婆等單騎去
卽屏河源道經畧大使因建言河源當賊衝官增兵鎮守
而運餼須廣乃斥地置烽七十所墾田五千頃歲收粟斛
百餘萬由是食衍士精戍邏有備永隆二年贊婆營青海
常之馳掩其屯破之悉燒糧膾獲羊馬甲首不貲詔書勞
賜凡泄軍七年吐蕃憚畏不敢盜邊封燕國公垂拱中突
厥復犯塞常之率兵追擊至兩井忽與賊遇賊騎三千方
據甲常之見其驀以二百騎突之賊皆棄甲去其暮賊大
至常之潛使人伐木列炬營中若烽燧然會風起賊疑救

至遂夜遯久之爲燕然道大總管與李多祚王九言等擊突厥骨咄祿元珍於黃花堆破之追奔四十里賊潰歸磧北會左監門衛中郎將襲寶璧欲窮追要功詔與常之共討寶璧獨進爲虜所覆舉軍沒寶璧下吏誅常之坐無功會周興等誣其與右鷹揚將軍趙懷節反捕繫詔獄投纆死常之御下有恩所乘馬爲士所箠或請罪之答曰何遽以私馬鞭官兵乎前後賞賜分麾下無留貲及死人皆哀其在

佛圖氏

見晉書

歷代名賢

佛圖澄天竺人也本姓帛氏少學道妙通元術永嘉四年

氏姓譜

卷百五十七

諸方

佛圖氏

七

來適洛陽自云百有餘歲常服氣自養能積日不食善誦神呪能役使鬼神腹旁有一孔常以絮塞之每夜讀書則拔絮孔中出光照于一室又嘗齋時平旦至流水側從腹旁孔中引出五臟六腑洗之訖還內腹中又能聽鈴音以言吉凶莫不懸驗及洛中寇亂乃潛草野以觀變石勒屯兵葛陂專行殺戮沙門遇害者甚衆澄投勒大將軍鄭黑冢黑畧每從勒征伐輒豫剋勝負勒疑而問曰孤不覺卿有出衆智謀而每知軍行吉凶何也黑畧曰將軍天挺神武幽靈所助有一沙門智術非常云將軍當畧有區夏已應爲師臣前後所白皆其言也勒名澄試以道術澄卽取鉢盛水燒香呪之須臾鉢中生青蓮花光色曜日勒由此信之勒自葛陂還河北過枋頭枋頭人夜欲斫營澄謂黑畧曰須臾賊至可令公知果如其言有備故不敗勒欲試

澄夜冠胄衣甲執刀而坐遣人告澄云夜來不知大將軍何所在使人始至未及有言澄逆問曰平居無寇何故夜嚴勒益信之勒後因忿欲害諸道士并欲苦澄澄乃潛避至黑畧舍語弟子曰若將軍信至問吾所在者報云不知所之及勒使至覓澄不得使還報勒勒驚曰吾有惡意向澄澄捨我去矣通夜不寢思欲見澄澄知勒意悔明且造勒勒曰昨夜何行澄曰公有怒心昨故權避公今改意是以敢來勒大笑曰道人謬矣襄國城塹水源在城西北五里其水源暴渴勒問澄何以致水澄曰今當勅龍取水廼與弟子法首等數人至故泉源上坐繩牀燒安息香呪願數百言如此三日水泓然微流有一小龍長五六寸許隨水而來諸道士競往視之有頃水大至隍塹皆滿鮮卑段末波攻勒衆甚盛勒懼問澄澄曰昨日寺鈴鳴云明日食

氏姓譜

卷百五十七

諸方

佛圖氏

末

時當擒段末波勒登城望末波軍不見前後失色曰末波如此豈可獲乎更遣夔安問澄澄曰已獲末波矣時城北伏兵出遇末波執之澄勸勒宥末波遣還本國勒從之卒獲其用劉曜遣從弟岳攻勒勒遣石季龍距之岳敗退保石梁塢季龍堅柵守之澄在襄國忽嘆曰劉岳可憫弟子法祚問其故澄曰昨日亥時岳已敗被執果如所言及曜自攻洛陽勒將救之其羣下咸諫以爲不可勒以訪澄澄曰相輪鈐音云秀支替戾岡僕谷劬禿當此羯語也秀支軍也替戾岡出也僕谷劉曜胡位也劬禿當捉也此言軍出捉得曜也又令一童子絜齋七日取麻油合臙脂躬自研於掌中舉手示童子粲然有輝童子驚曰有軍馬其衆見一人長大白皙以朱絲縛其肘澄曰此卽曜也勒甚悅遂赴洛距曜生擒之勒僭稱趙天王行皇帝事敬澄張

時石慈將叛澄誠勒曰今年慈中有蟲食必害人可令百
姓無食慈也勒班告境內慎無食慈俄而石慈果走勒益
重之事必諮而後行號曰大和尚勒愛于斌暴病死將殯
勒嘆朕聞號太子死扁鵲能生之今可得効乎乃令告澄
澄取楊枝沾水灑而呪之就執斌手曰可起矣因此遂蘇
有頃平復自是勒諸子多在澄寺中養之勒死之年天靜
無風而塔上一鈴獨鳴澄謂衆曰鈴音云國有大喪不出
今年矣旣而勒果死及季龍僭位遷都于鄴傾心事澄有
重于勒下書衣澄以綾錦乘以彫輦朝會之日引之升殿
常侍以下悉助舉輿太子諸公扶翼而上主者唱大和尚
衆坐皆起以彰其尊又使司空李農旦夕親問其太子諸
公五日一朝尊敬莫與爲比支道林在京師聞澄與諸公
遊乃曰澄公其以季龍爲海鷗鳥也百姓因澄故多奉佛

氏姓譜

卷百十七

諸方

佛圖氏

九

皆營造寺廟相競出家眞僞混淆多生愆過季龍下書料
簡其著作郎王度奏曰佛外國之神非諸華所應祠奉漢
代初傳其道惟聽西域人得立寺都邑以奉其神漢人皆
不出家魏承漢制亦循前軌今可斷趙人悉不聽詣寺燒
香禮拜以遵典禮其百辟卿士逮衆隸例皆禁之其有犯
者與淫祠同罪其趙人爲沙門者還服百姓朝士多同度
所奏季龍以澄故下書曰朕出自邊戎忝君諸夏至于享
祀應從本俗佛是戒神所應兼奉其夷趙百姓有樂事佛
者特聽之澄時止鄴城寺中弟子徧於郡國常遣弟子法
常北至襄國弟子法佐從襄國還相遇于梁基城下對車
夜談言及和尚比旦各去佐始入澄逆笑曰昨夜爾與法
常交車其說汝師邪佐愕然愧憾於是國人每相語莫起
惡心和尙知汝及澄之所在無敢向其方面涕唾者季龍

有一子在襄國澄語遂曰小阿彌此當得疾可往
看之遂卽馳信往視則果已得病太醫殷騰及外國道士
自言能療之澄告弟子法牙曰正使聖人復出不愈此癘
况此等乎後三日果死遂將圖爲逆謂內豎曰和尚祇通
倘發吾謀明日來者當先除之澄月望將入覲季龍謂弟
子僧慧曰昨夜天神呼我曰明日若入還勿過人我倘有
所過汝當止我澄常入必過遂遠知澄入要候甚若澄將
上南臺僧慧引衣澄曰事不得止坐未安便起遂固留不
住所謀遂差還寺嘆曰太子作亂其形將成欲言難言欲
忍難忍乃因事從容箴季龍季龍終不能解俄而事發方
悟澄言後郭黑畧將兵征長安北山羌墮羌伏中時澄在
堂上坐憮然改容曰郭公今在厄乃唱云衆生祝願澄又
自祝願須更更曰若東南出者活餘向者則困復更祝願

氏姓譜

卷五十七

諸方

佛圖氏

二十

有頃曰脫矣後月餘黑畧還自說墜羌圍中東南走馬乏
正遇帳下人推馬與之曰公乘此馬小人乘公馬濟與不
濟命也畧得其馬故獲免推檢時日正是澄祝願時也時
天旱季龍遣太子詣臨漳西滏口祈雨久而不降乃令澄
自行卽有白龍二頭降于祠所其日大雨方數千里澄嘗
遣弟子向西域市香旣行澄告餘弟子曰掌中見買香弟
子在某處被劫垂死因燒香祝願遙救護之弟子後還云
某月某日某處爲賊所劫垂當見殺忽聞香氣賊無故自
驚曰救兵已至棄之而走黃河中舊不生龍時得者獻季
龍澄見而嘆之曰桓温入河其不久乎温字元子後果如
其言也季龍嘗晝寢夢見羣羊負魚從東北來寤以訪澄
澄曰不祥也鮮卑其中有中原乎後亦皆驗澄嘗與季龍升
中臺澄忽驚曰變變幽州當火災仍取酒喫之久而笑曰

救已得矣季龍遣驗幽州云僊日火從門起西南有黑雲來驟雨滅之雨亦頗有酒氣石宣將殺石韜宣先到寺與澄同坐浮屠一鈴獨鳴澄謂曰解鈴音乎云胡子洛度宜變色曰是何言歟澄謬曰老胡爲道不能山居無言重茵美服豈非洛度乎石韜後至澄熟視良久韜懼而問澄澄曰怪公血臭故相視耳季龍夢龍飛西南自天而落旦而問澄澄曰禍將作矣宜父子慈和深以慎之季龍引澄入東閣與其後杜氏問訊之澄曰脇下有賊不出十日自浮圖以西此殿以東當有血流慎勿東也杜后曰和尚耄邪何處有賊澄卽易語云六情所受皆悉是賊老自應耄但使少者不昏卽好耳遂便寓言不復彰的後二日宣果遣人害韜於佛寺中欲因季龍臨喪殺之季龍以澄先誠故獲免及宣被收澄諫季龍曰皆陛下之子也何爲重禍

氏姓譜

卷百五十七

諸方

佛圖氏

三

邪陛下若舍怒加慈者尙有六十餘歲如必誅之宣當爲彗星下埽鄴宮季龍不從後月餘有一妖馬髦尾皆有燒狀入中陽門出顯陽門東首東宮皆不得入走向東北俄而不見澄聞而嘆曰災其及矣季龍大享羣臣於太武前殿澄吟曰殿乎殿乎棘子成林將壞人衣季龍令發殿石下視之有棘生焉冉閔小字棘奴季龍造太武殿初成圖畫自古賢聖忠臣孝子烈士貞女皆變爲胡狀旬餘頭悉縮入肩中惟冠髮髯微出季龍大惡之戒而不言也澄對之流涕乃自啓塋墓於鄴西紫陌還寺獨語曰得三年乎自答不得又曰得二年一年百日一月乎自答不得遂無復言謂弟子法祚曰戊申歲禍亂漸萌已酉石氏當滅吾及其未亂先從化矣卒於鄴宮寺後有沙門從雍州來稱見澄西入關季龍掘而視之惟一石而無尸季龍惡之

曰石者朕也。堊我而去。吾將死矣。因而遇疾。明年季龍死。遂大亂。

鳧與氏

百濟之夫餘音轉為鳧與氏。

似先氏

本高麗餘種也。唐似先英問武德中右驍衛大將軍。

朝臣氏

日本國使人朝臣真人唐長安中拜司膳同正副使朝

臣大父拜率更令同正。

瞿曇氏

西域天竺國人唐司天監瞿曇誤子晏為冬官正。

鳩摩氏

晋西域天竺人。

氏姓譜

卷百二十七

諸方

鳧與氏至

三

歷代名賢

晉

鳩摩羅什天竺人也。世為國相。父鳩摩羅炎聰懿有大節。將嗣相位。乃辭避出家。東渡葱嶺。龜茲王聞其名。郊迎之。請為國師。王有妹年二十。才悟明敏。諸國交聘。並不許。及見炎心欲當之王。乃逼以妻焉。既而羅什在胎。其母慧解。倍常。及年七歲。母遂與俱出家。羅什從師受經。日誦千偈。偈有三十二字。凡三萬二千言。義亦自通。年十二。其母攜到沙勒國。王甚重之。遂停沙勒一年。博覽五明。諸論及陰陽星算。莫不必盡。妙達吉凶。言若符契。為性率達不拘。小檢修行者。頗共疑之。然羅什自得於心。未嘗介意。專以大乘為化。諸學者皆共師焉。年二十。龜茲王迎之。還國。廣說諸經。四遠學徒莫之能流。有頃。羅什母辭龜茲王。往天竺。

留羅什住謂之曰方等深教不可思議傳之東土惟爾之力但於汝無利其可如何羅什曰必使大化流傳雖苦而無恨母至天竺道成進登第三果西域諸國咸伏羅什神僞每至講說諸公皆長跪坐側令羅什踐而登焉苻堅聞之密有迎羅什之意會大史奏云有星見外國分野當有大智入輔中國堅曰朕聞西域有鳩摩羅什將非此邪乃遣驍騎將軍呂光等率兵七萬西伐龜茲謂光曰若獲羅什卽馳驛送之光軍未至羅什謂龜茲王白純曰國運衰矣當有勍敵從日下來宜恭承之勿抗其鋒純不從出兵距戰光遂破之乃獲羅什光見其年齒尙少以凡人戲之強妻以龜茲王女羅什距而不受辭甚苦至光曰道士之操不踰先父何所固辭乃飲以醇酒同閉密室羅什被逼遂妻之光還中路置軍於山下將士已休羅什曰在此必

氏姓譜

卷百五十七

魏姓

鳩摩氏

三三

狼狽宜徙軍隴上光不納至夜果大雨洪潦暴起水深數丈死者數千人光密異之尤欲留王西國羅什謂光曰此凶亡之地不宜淹留中路自有福地可居光還至涼州聞苻堅已爲姚萇所害於是竊號河右屬姑臧大風羅什曰不祥之風當有奸叛然不勞自定也俄而有叛者尋皆殄滅沮渠蒙遜先推建康太守段業爲主光遣其子纂率衆討之時論謂業等烏合纂有威聲勢在全剋光以訪羅什答曰此行未見其利旣而纂敗於合黎俄又郭騰起兵纂棄大軍輕還復爲騰所敗僅以身免中書監張資病光博榮救療有外國道人羅叉云能羌資病光喜給賜甚重羅什知叉誑詐告資曰叉不能爲益徒煩費耳冥運雖隱可以事試也乃以五色絲作繩結之燒爲灰末投水中灰若出水還成繩者病不可愈須臾灰聚浮出復爲繩叉療果

無效少日資亡頃之光死纂立有猪生子一身三頭龍出
東箱井中於殿前蟠臥比旦失之纂以爲美瑞號其殿爲
龍翔殿俄而有黑龍升於當陽九宮門纂改九宮門爲龍
興門羅什曰比日潛龍出游豕妖表異龍者陰類出入有
時而今屢見則爲災青必有下人謀上之變宜剋已修德
以答天戒纂不納後果爲呂超所殺羅什之在涼州積年
呂光父子既不宏道故蘊其深解無所宣化姚興遣姚碩
德西伐破呂隆乃迎羅什待以國師之禮仍使入西明閣
及逍遙園譯出衆經羅什多所暗誦無不究其義旨既覽
舊經多有紕謬於是興使沙門僧叡僧肇等八百餘人傳
受其旨更出經論凡三百餘卷沙門慧叡才識高明嘗隨
羅什傳寫羅什每爲慧叡論西方辭體商畧同異云天竺二
國俗甚重文制其官商體韻以入管絃爲善凡觀國王必

氏姓譜

卷百五十七

諸方

鳩摩氏

二四

有贊德經中偈頌皆其式也羅什雅好大乘志在敷衍嘗
歎曰吾若著筆作大乘阿毗曇非迦旃子比也今深識者
旣寡將何所論惟爲姚興著實相論二卷興奉之若神嘗
講經於草堂寺興及朝臣大德沙門千有餘人肅容觀聽
羅什忽下高坐謂興曰有二小兒登吾肩慾朝須婦人興
乃召宮女進之一交而生二子焉興嘗謂羅什曰大師聰
明超悟天下莫二何可使法種少嗣遂以伎女十人逼令
受之爾後不住僧房別立驛舍諸僧多效之羅什乃聚針
盈鉢引諸僧謂之曰若能見效食此者乃可畜室耳因舉
匕進針與常食不別諸僧愧服乃止杯渡比丘在彭城聞
羅什在長安歎曰吾與此子戲別三百餘年相見杳然未
期遲有遇於來生耳羅什未終少日覺四大不愈乃口出
三番神呪令外國弟子誦之以自救未及致力轉覺危殆

於是力疾與眾僧告別曰因法相遇殊未盡心方復後世
惻愴可言死於長安姚興於逍遙園依外國法以火焚尸
薪滅形碎惟吾不爛

迦葉氏

西域天竺人唐貞觀涇原大將試太常卿迦葉濟

鄯善氏

西域人以國為氏

烏氏氏

晉之西域人

焉耆氏

西域人

且末氏

西域人

氏姓譜

卷百五十七

諸姓

迦葉氏至

三五

昭武氏

康居人

波斯氏

西域人

代北三字姓

侯莫陳氏

其先後魏別部居庫斛真水周書云武川人世為渠帥
隨魏南遷號侯莫陳氏

歷代名賢

南北

侯莫陳崇字尚樂代郡武川人其先魏之別部居庫斛真
水五世祖曰太骨都侯其後世為渠帥祖允以良家子鎮
武川因家焉父興殿中將軍羽林監崇少驍勇善馳射謹

慤少言年十五隨賀拔岳與余朱榮征葛榮又從元天穆討邢果平之以功除建威將軍別從岳破元顥於洛陽遷直寢後從岳入關破赤水蜀時方俟醜奴圍岐州遣其將李尉運菩薩將兵向武功崇從岳力戰破之乘勝逐北解岐州圍又赴百里細川破賊帥侯伏侯元進稠醜奴率其餘眾奔高平崇與輕騎逐北至涇州長坑及之賊未成列崇單騎入賊中於馬上生禽醜奴於是大呼眾悉披靡莫敢當之後騎益集賊徒因悉逃散遂大破之岳以醜奴所乘馬及寶劍金帶賞崇除安北將軍大中大夫都督封臨涇縣侯邑八百戶及岳爲侯莫陳悅所害崇與諸將同謀迎周文帝文帝至軍原州刺史史歸猶爲悅守周文遣崇襲歸崇潛軍夜往輕將七騎直到城下餘眾皆伏於近路歸見騎少遂不設備崇卽入據城門時李遠兄弟在城內

氏姓譜

卷百五十七

代北三

侯莫陳氏

二六

先知崇乘於是中外鼓噪伏兵悉起遂禽歸斬之以崇行原州事仍從平悅轉征西將軍又遣崇慰撫秦州別封廣武縣伯邑七百戶大統元年除涇州刺史加散騎常侍大都督進爵爲公累遷車騎大將軍儀同三司驃騎大將軍開府儀同三司改封彭城郡公邑三千戶三年從禽竇泰復宏農破沙苑增邑二千戶四年從戰河橋崇功居多七年稽胡反崇率眾討平之尋除雍州刺史兼太子詹事十五年進位柱國大將軍轉少傅魏恭帝元年出爲寧州刺史遷尚書令六官建拜大司空周孝閔帝踐阼進封梁國公邑萬戶加太保歷大宗伯大司徒保定三年崇從武帝幸原州武帝夜還京師竊怪其故崇謂所親人常昇曰吾昔聞卜筮者言晉公今年不利車駕今忽夜還不過是晉公死耳於是眾皆傳之或有發其事者武帝召諸公賜於

大德殿責崇崇惶恐謝罪其夜護遣使將兵就崇宅逼令自殺禮葬如常儀諡曰躁護誅後改諡曰莊閔

侯莫陳蒨崇子也拜大將軍進位柱國從武帝東伐率眾守太行道并州平授上柱國仍從平鄴拜大司馬

侯莫陳瓊字世樂崇弟也年入歲喪父養母至孝善事諸兄內外莫不敬之以軍功封靈邱縣男邑三百戶從魏孝

武入關爲周文帝直盪都督大統二年遷尙藥典御三年拜太子右衛率進爵爲侯從獨狐信征梁企定累遷北秦

州刺史十四年拜車騎大將軍儀同三司孝閔帝踐阼進爵武安縣公增邑并前二千戶出爲郢州刺史武成二年

遷金州總管六州諸軍事金州刺史保定元年拜大將軍天和四年轉荊州總管十四州入防諸軍事荊州刺史尋

進位柱國進爵同昌郡公建德二年拜太宗伯出爲秦州

氏姓譜

卷百五十七

代北三

侯莫陳氏

二十七

總管四年從武帝東伐爲後二軍總管尋收封武威郡公大象二年加上柱國

侯莫陳凱字敬樂性剛正頗好經史隨兄崇以軍功賜爵下蔡縣男大統元年爲東宮侍書從周文帝禽竇泰破沙

苑陣以功拜寧遠將軍累遷羽林監東宮洗馬太子庶子進授都督十四年兄崇以平原州功賜爵靈武縣侯詔聽

轉授凱累遷東宮武衛率尙書右丞轉左丞進位車騎大將軍儀同三司六官建授司門下大夫孝閔帝踐阼拜工

部中大夫進位開府儀同三司轉司憲中大夫進爵爲公復除工部中大夫明帝初出爲宜州刺史武成二年入爲

禮部中大夫保定中復爲陵州刺史轉丹州刺史所在頗有政績天和中入爲司會中大夫建德二年爲聘齊使主

侯莫陳順禾保梁國公崇之兄也少豪俠有志度初事公

朱榮爲統軍後從賀拔勝鎮井陘武泰初討葛榮平邢杲
征韓婁皆有功拜輕車將軍羽林監又從破元顯進寧朔
將軍越騎校尉普泰元年除持節征西將軍封木門縣子
邑三百戶尋加散騎常侍千牛備身衛將軍閣內大都督
從魏孝武入關順與周文帝同里閔素相友善且其弟崇
先在關中周文見之甚歡乃進爵彭城郡公邑一千戶大
統元年拜衛尉卿授儀同三司及梁企定圍逼河州以順
爲大都督與趙貴討破之卽行河州事後從周文破沙苑
以功增邑千戶四年魏文帝東討順與太尉王盟僕射周
惠達等留鎮長安時趙雀反盟及惠達奉魏太子出次
渭北順於渭橋與賊戰頰破之賊不敢出魏文帝親執順
手曰渭橋之戰卿有殊功便解所服金縷玉梁帶賜之南
岐州氏苻安壽自號太白王攻破武都州郡騷動復以順

氏姓譜

卷百五十七

代北三

侯莫陳氏

二八

爲大都督往討之而賊屯兵要險軍不得進順乃設反間
離其腹心立信賞誘其徒屬安壽知勢窮迫遂率部落一
千家赴軍欸附時順弟崇又封彭城郡公封順河間郡公
明年加驃騎大將軍開府儀同三司行西夏州事安平郡
公十六年拜大將軍出爲荊州總管山南道五十二州諸
軍事荊州刺史周孝閔帝踐阼拜少師進位柱國其年薨
侯莫陳相代人也祖伏頽魏第一領民酋長父斛右提朔
州刺史白水郡公尋除蔚州刺史仍爲大行臺節度西道
諸軍事又遷車騎將軍顯州刺史入除太僕卿頃之出爲
汾州刺史別封安次縣男又別封始平縣公天保初除太
師轉司空公進爵爲白水王邑一千一百戶累授太傅進
食建州幹別封義寧郡公武平二年四月薨於周年八十
三贈假黃鉞使持節督冀定瀛滄濟趙幽并朔恒十州軍

寧右丞相太宰太尉公朔州刺史有二子長子貴樂尙公主嗣馬都尉次子晉貴武衛將軍梁州刺史隆化時并州失守晉貴遣使降周授上大將軍封信安縣公

莫多婁氏

代人隨後魏遷洛陽

歷代名賢

莫多婁貸文太安狄那人也驍果有膽氣從齊神武舉義中興初除伏波將軍武賁中郎將虞候大都督從擊余朱兆於廣阿有功加前將軍封石城子邑三百戶又從破四胡於韓陵進爵爲侯從平余朱兆於赤檉嶺兆窮迫自經貸文獲其屍遷左廂大都督斛斯椿等變起魏武帝遣賈顯智據守石濟神武令貸文率精銳三萬與賈泰等於定

氏姓譜

卷百五十七

代北三

莫多婁氏

二九

州相會同趣石濟擊走顯智天平中除晉州刺史汾州胡賊爲寇竊神武親討焉以貸文爲先鋒每有戰功還賚奴婢三十人牛馬各五十匹布一千疋仍爲汾陝東雍晉泰五州大都督後與太保尉景攻東雍南汾二州克之元象初除車騎大將軍儀同南道大都督與行臺侯景攻獨孤如願於金墉城周文帝軍出函谷與高昂議整旅獨卒以待其至貸文請率所部擊其前鋒景等固不許貸文性勇而專不肯受命以輕騎一千軍前斥候西過源澗遇周軍戰沒賻并肆恒雲朔五州軍事并州刺史尙書右僕射司徒公

莫多婁敬顯貸文子也彊直勤幹少以武力見知恒從斛律光征討數有戰功光每命敬顯前驅安置營壘夜中巡察或達旦不睡臨敵看陣亦令敬顯部分將士造次之備

行伍整肅深爲光所重位至領軍將軍恒檢校虞候事武
平中車駕幸晉陽每令敬顯督留臺兵馬糾察盜賊京師
肅然七年從後主平陽敗歸并州與唐邕等推立安德王
稱尊號安德敗文帝羣官皆投周軍惟敬德走還鄴授司
徒周武帝平鄴城之明日執敬顯斬於闔闔門外責其不
留平陽也

破六韓氏

其先代人隨魏南遷

歷代名賢

破六

破六韓常字保年附化人匈奴單于之裔也初呼廚貌入
朝漢爲魏武所留遣其叔父右賢王去卑監本國戶魏氏
方興率部南轉去卑遣弟右谷蠡王潘六奚率軍北禦軍

氏姓譜

卷百五十七

代北三

破六韓至

三十

敗奚及五子俱沒於魏其子孫以潘六奚爲氏後人訛以
爲破六韓世領部落父孔雀少驍勇背其宗人拔陵率部
降尔朱榮詔加平北將軍第一領民酋長卒常沈敏有膽
畧善騎射尔朱榮死常歸河西天平中與冀州刺史万俟
受洛干等東歸神武上爲武衛將軍齊受禪封廣川縣公
拜太子太保卒於滄州刺史贈尚書令司徒公太傅第一
領人酋長假王諡曰忠武

可朱渾氏

出自代北又居懷朔隨魏南遷

歷代名賢

可朱

可朱渾元字通元自云遼東人世爲渠帥魏時擁衆內附
膺祖護野肱終於懷朔鎮將遂家焉元寬仁有武畧少與

齊神武相知北邊擾亂遂將家屬赴定州值鮮于修禮作亂元擁衆屬焉葛榮併修禮復以元爲梁王遂奔尔朱榮以爲別將隸天光征關中以功爲渭州刺史侯莫陳悅之殺賀拔岳也周文帝率岳所部還共圖悅元時助悅悅走元收其衆入據秦州爲周攻圍苦戰結盟而罷元旣早遇神武知遇兼其母兄在東嘗有思歸之志恒遣表疏與神武陰相往來周文攻圍苦忌元智勇知元懷貳發兵攻之元乃率所部發自渭州西北渡烏蘭津周文頻遣兵邀之元戰必摧之引軍歷河源二州境乃得東出靈州刺史曹湜女塔剌豐與元深相交結元因說豐以神武英武非常克成大業豐自此便有委質之心遂資遣元元從靈州東北入雲州神武聞其來也遣平陽守高嵩持環一枚以賜元并運資糧遠遣候接元至晉陽引見執手賜帛千匹并

氏姓譜

卷百五十七

代北三

可朱渾氏

三一

奴婢田宅兄弟四人先在并州者進官爵元所部督將皆賞以爵邑封元縣公除車騎大將軍討西魏儀同金祚皇甫智達於東雍禽之遷并州刺史又與諸將征伐頻有剋捷降下天保初封扶風王頻從文宣討山胡茹茹累有戰功遷太師薨贈假黃鉞太宰錄尚書元善於御衆行軍用兵務在持重前後出征未嘗負敗及卒朝廷深悼之皇建初配享文襄廟庭

阿史那氏

夏氏之裔居兜牟山北人呼爲突厥窟窟歷魏晉十代爲君長後屬蠕蠕阿史那最爲首領後周末遂滅蠕蠕霸疆北土蓋百餘年至處羅蘇尼失等歸化號阿史那唐開元更爲史氏並已見史官氏長安右衛大將軍寶國公阿史那忠節左驍衛大將軍阿史那大節貞元神策

將軍兼御史大夫阿史那思棟並其支族

歷代名賢

阿史那社尒突厥處羅可汗之次子年十一以智勇聞拜
拓設建牙磧北與頡利子欲谷設分統鐵勒回紇僕骨同
羅諸部處羅卒哀毀如禮治衆十年無課歛或勸厚賦以
白奉答曰部落豐餘於我足矣故首領咸愛之頡利數用
兵社尒諫弗納貞觀元年鐵勒回紇薛延陀等叛敗欲谷
設於馬獵山社尒助擊之弗勝明年將餘衆西保可汗浮
圖城會頡利滅西突厥統葉護又死奚利必咄陸可汗與
泥執爭國社尒引兵襲之得其半國有衆十餘萬乃自號
都布可汗謂諸部曰始爲亂破吾國者延陀也今我據西
方而不平延陀是忘先可汗非孝也事脫不勝死無恨舊

氏姓譜

卷百五十七

代北三字姓

阿史那氏

三

長昔曰我新得西方須留撫定今有棄之遠擊延陀延陀
未禽葉護子孫將復吾國社尒不從選騎五萬討延陀磧
北連兵十旬士苦其久稍潰去延陀縱擊大敗之乃走保
高昌衆纔萬人又與西突厥不平由是率衆內屬十年入
朝授左驍衛大將軍處其部於靈州詔尙衛陽長公主爲
駙馬都尉典衛屯兵十四年以交河道行軍總管平高昌
諸將咸受賞社尒以未奉詔秋毫不敢取見別詔然後受
又所取皆老弱陳弊太宗美其廉賜高昌寶細刀雜綵千
段詔檢校北門左屯營封畢國公從征遼東中流矢摠去
復戰所部奮厲皆有功還擢兼鴻臚卿二十一年以崑邱
道行軍大總管與契苾何力郭孝恪楊宏禮李洵岸等五
將軍發鐵勒十三部及突厥騎十萬討龜茲師次西突厥
擊處密處真敗之入自焉耆西兵出不意龜茲震恐進屯

積石伊州刺史韓威以千騎先進右驍衛將軍曹繼叔次之至多褐城其王率衆五萬拒戰威陽郤王悉兵逐北威與繼叔合殊死戰大破之社余因拔都城王輕騎遁社余留孝恪守自率精騎追躡行六百里王據大撥換城嬰險自固社余攻凡四十日入之禽其王并下五大城遣左衛郎將權祗甫徇諸酋長示禍福降者七十餘城宣諭威信莫不歡服刻石紀功而還因說于闐王入朝王獻馬畜三百餉軍西突厥焉者安國皆爭犒師孝恪之在軍牀帷器用多設金玉以遺社余社余不受帝聞曰二將優劣不復問人矣帝崩請以身殉衛陵寢高宗不許遷右衛大將軍永徽六年卒贈輔國大將軍并州都督陪塋昭陵治冢象葱山諡曰元子道真歷左屯衛大將軍威亨初爲邏娑道副大總管與薛仁貴討吐蕃以援吐谷渾爲論欽陵所敗

氏姓譜

卷百五十七

代北三

阿史那氏

三

盡其兵節有司問狀免死爲民

阿史那忠字義節蘇尼失子也資清謹以功擢左屯衛將軍尙宗室女定襄縣主始詒姓獨著史居父喪哀慕過人會立阿史那思摩爲突厥可汗以忠爲左賢王及出塞不樂見使者必泣請人侍許焉封薛國公擢右驍衛大將軍宿衛四十八年無纖隙人比之金日磾卒贈鎮軍大將軍諡曰貞陪塋昭陵

乙速孤氏

代人隨魏南遷

歷代名賢

南

乙速孤佛保北秀容胡酋也少驍武善射孝武帝時爲直閣將軍從入關封蒲子縣公并賜弓矢大統初梁將蘭欽

來寇遂陷漢中佛保爲都督統兵力戰知將敗乃先城未
陷仰天大哭曰此馬吾常所乘此弓矢天恩賜我豈可令
賊得吾弓馬乎遂斬馬及弓自刎而死三軍莫不壯之黃
門郎有趙僧慶時使漢中聞乃收運其屍致長安天子歎
感詔著作錄之

步大汗氏

出自塞北遷中土

歷代名賢

南北

步大汗薩太安狄那人也曾祖榮任魏歷金門化正二郡
太守父居龍驤將軍領民別將正光末六鎮反亂薩乃將
家避難南下奔尔朱榮於秀容後從榮入洛以軍功除揚
武軍帳內統軍賜爵江夏子從平葛榮累前後功加鎮南

氏姓譜

卷百五十七

代北三

乙速孤至

三四

將軍榮死後從尔朱兆入洛補帳內大都督從兆拒戰於
韓陵兆敗薩以所部降齊神武以爲第三領民酋長累遷
秦州鎮城都督北雍州刺史天平中轉東壽陽三泉都督
元象中行燕州累遷臨川領民大都督賜爵長廣伯時茹
茹寇鈔屢爲邊害神武撫納之遣薩將命還拜儀同三司
出爲五城大都督鎮河陽又加車騎大將軍開府進封行
唐縣公滅渤海三百戶以增其封仍授晋州刺史別封安
陵縣男邑二百戶加驃騎大將軍齊受禪改封義陽郡公

郁久間氏

後魏神元時掠騎獲木骨間北方言青首禿也自云尙
奴之甥車鹿會育部衆聲訛爲郁久間氏魏帝號之爲
茹茹或爲蠕蠕

步六孤氏

代北人後魏有步六孤真爲長安鎮將孝文改爲陸氏

紇豆陵氏
代人孝文改爲竇氏

沒鹿回氏
紇豆陵氏本沒鹿回部大人或爲沒鹿氏孝文改爲竇氏

莫那婁氏
代人後魏中山太守高邑公莫那婁題後無聞

莫胡盧氏
代人孝文改爲陽氏

莫且婁氏
代人

莫侯盧氏
代人

氏姓譜

卷五十七

代北

字姓

三五

代人

阿史德氏

突厥始善可汗之高別號阿史德氏通天司賓驛翰海
侯阿史德元珍左武衛大將軍阿史德覽並其後也

阿伏干氏

改爲阿氏

乙那婁氏

改爲婁氏

斛瑟羅氏

改爲羅氏

步鹿孤氏

改爲鹿氏

普軻茹氏

改爲茹氏

可地延氏

改爲延氏

拔列蘭氏

改爲梁氏

阿鹿桓氏

改爲恒氏

宿六斤氏

改爲宿氏

烏落蘭氏

改爲蘭氏

破多羅氏

改爲羅氏

庫若干氏

改爲干氏

白揚提氏

後魏有白揚提度汗吐谷渾別帥率戶附魏

吐谷渾氏

魏晉之際鮮卑慕容廆兄吐谷渾率部落止青海之西國號吐谷渾或有歸中國因氏焉

叱列伏氏

周書云代郡西部人其先爲第一領酋長周侍中常州刺史長樂公叱列伏龜生椿幽州刺史

歷代名賢

氏姓譜

卷百五十七

代北三

叱列伏至

三

叱列伏龜字摩頭隋代郡西部人也世爲部落大人魏初

入附遂世爲第一領民酋長至龜五世龜容貌瓌偉腰帶
十圍進止詳雅兼有武藝嗣父業復爲領民酋長魏正光
五年廣陽王深北征請龜爲寧朔將軍委以帳內兵事尋
除善無郡守孝昌三年又除別將從長孫稚西征以戰功
累遷征西將軍金紫光祿大夫還洛後授都督遂爲齊神
武所寵任加授大都督沙苑之敗隨例來降周文帝以其
豪門解縛禮之仍以邵惠公女妻之大統四年封長樂縣
公邑一千戶自此常從文帝征討屢有戰功八年出爲北
雍州刺史加大都督尋進位車騎大將軍儀同三司散騎
常侍十四年徵拜侍中加驃騎大將軍開府儀同三司除
恒州刺史增邑通前一千四百戶十七年卒子椿嗣
叱列伏椿字千年明帝時拜車騎大將軍儀同三司尋遷
驃騎大將軍開府儀同三司改封永世縣公邑一千二百
戶

氏姓譜

卷百五十七

代批三

侯伏欣至

三

戶保定二年授幽州刺史天和初除左宮伯進位大將軍

庫儻官氏

改爲庫氏前燕錄有岷山公庫儻官泥生津後燕太師
安定王又有西河公庫儻官驥大司農庫儻官乾

勿怛干氏

官氏志云改爲干氏

普六茹氏

周書楊忠賜姓

樹若干氏

改爲樹氏

扈地干氏

改爲干氏

侯伏斤氏

改爲斤氏

地駱拔氏

改爲駱氏

郁原甄氏

改爲甄氏

若口引氏

改爲冠氏

費也頭氏

臣屬鮮卑佚豆歸後從其主亦稱宇文氏

破落那氏

大宛之後改爲那氏

沒路真氏

改爲路氏

氏姓譜

卷百五十一

代北三

地語改至

三

饜歷辰氏

代人改爲辰氏

溫石蘭氏

改爲石氏

烏石蘭氏

改爲石氏

紇突隣氏

改爲隣氏

骨咄祿氏

改爲祿氏

侯呂陵氏

改爲呂氏周賜韓哀姓侯呂陵

大莫干氏

周末尉遲迥將大莫干元章

大利稽氏

官氏志改為邵氏周賜蔡祐姓大利稽

侯力代氏

改為侯氏

大洛稽氏

改為稽氏

侯伏斤氏

改為伏氏疑與侯伏斤同

壹斗眷氏

改為明氏

步六根氏

改為步氏

氏姓譜

卷百五十七

代北四
字姓

大莫干至
赫少豆

无

濁渾氏

改為杜氏

末那樓氏

後燕錄有襄城公末那樓富

奚什廬氏

官氏志改為索盧氏

可足渾氏

前燕慕容儁皇后可足渾氏又有散騎常侍可足渾常

後燕有新汲侯可足渾健生譚平公

渴爛渾氏

改為朱氏渴爛渾可足渾疑與可朱渾同而音轉矣

越質詰氏

後秦錄有北梁州刺史平襄公越質詰歸

阿逸多氏

西域人

突黎人氏

西域人

赤小豆氏

改爲豆氏

代北四字姓

自死獨膊氏

并疆六斤氏

俱代人


氏姓譜

卷百五十七

代北四字姓

自死獨膊并疆六斤

四



氏姓譜卷百五十七終

